

文熙亭先生文集卷之八

平江 艾穆 和甫 著

沔陽 陳文燭 玉叔

新淦 朱孟震 秉器

高邑 趙南星 夢白

臨海 王士性 恒叔 校

不肖孫日華輯

書牘

上政府

其最不肖叨有餘生竊比山中散木逃於斧斤幸矣

不謂 聖明憐其狂瞽起自田間殆未知樸藪未可
以棟明堂輪囷非所以器萬業而談用之徒令偷食
大庾重增罪過然每早夜以思冀異日者有分寸表
樹以仰答吾 君吾相其心也奈何舊病復舉體弱
不支具疏乞休四誠是瀝非敢叢套飭欺者惟 相
公俯軫而放之歸倘不即填溝壑猶以未盡之年謳
咏太平又再生之感也 瀆員鈞嚴無任悚息

謝政府

穆敢謗陋以 聖明拔自胥靡躋之 朝列仰叨
洪造之無涯每懼涓埃之莫效頃具疏 請復追奪

恩典蒙明詔給以見任職尙自惟謬起田間冀錫
前官之舊與何意寵逾涯分仰承破格之 新恩此
由 相公念軫餘生以故仁弘錫類不但某之賜環
九列者 綸章遽冒乎紫誥之榮而某之父母之含
抑九京者 恩波且洽於玄臺之骨矣並懷 君相
之德感徹函明水荷 天地之私矢圖啣結謹陳謝
悃伏望 崇原某不任震越待罪之至

寄太僕沈繼山

昔與夫為生死交賴天之靈不即化為朽木下異物
猶得以殘骸餘魄播之絕徼與魑魅群施施漫漫無

復玉門生入之望每對隴雲關月懷念我夫恨身羽
無從則未嘗不涕下沾衣也雖風鴻香絕知萬里同
情美秦中山川雄美故夫流人藉以抒發悰寄每與
二三友朋浪迹紵南太華之間渭水曲江之上思昔
與夫為擊筑燕市遊如隔世事獨播越中勸破世態
可供遶生一撫掌比者天地開朗死灰復燃而老母
日薄西山有難絕裾頌主上賜環恩重莫吾萬死之
身猶得一望天顏以自慰無與三四兄弟作來生會
即掛冠神武無憾矣不謂行路之難繞出流沙萬里
又上蜀道青天即今迎養老母差協宦情而辭直之
性終不能與時浮湛子長萬里范蠡五湖固吾志也
自古逐臣再起者多不永終譽願我夫益堅初志以
終壯尚弗為此區區者易故吾可耳

荅寺丞朱訥齋

家叔來卒卒附短札片語起居門下齟齬不能萬一
嗣得報章宛宛南禪相對時情況讀扇頭新詩令人
神爽俱馳蓋本之窮交故人同病相憐踪跡愈踈肝
膽愈親也岱宗嵩高峙在數千里外一旦為下傳神
洞庭君山自吾視之乃家物卒無能飛錫其間吐一
詞荅河山之靈亦俗甚矣雖然足下以謫汝得大位

嵩高第以成秦得終南太華何昔從震蕩播越中共
有此風俗而今不之然乎頃且馳書拉邠爾瞻沈純
父輩遊洞庭湘山而後次第及衡南七十二峰因語
諸君曰人生波波汲汲在人間世何異翫鷄世情反
覆所宜等之虛舟大塊內五青山終當屬我輩第聞
足祥琴將就計又將出而翱翔青雲入心事其俟之
他日况五岳已得其二乎詩下築城市從土木冗中
喜讀足下詩不能和答後請教備

與學憲蔡青門

昨年啟楚學憲公缺時示語諸人士曰新學使來必

伯華蔡君乎此君無論文章領袖諸章縫 欲得端
師非伯華其人不可居頃之報足下茂膺新命夫人
皆神吾之言若操券而不知聲相應氣相求即兼述
千載越絕萬里若天動神合於一堂之上又奚疑於
第之料足下有今日耶第十年前同患難兄弟今皆風
萍散矣求一握手開口不可得而吾楚雲夢八九之
靈乃能為我來足下將全湖之精英化秘盡收之而
洩為篇翰以直追屈平宋玉唐勒景差之遺風馭氣
烈之鼓動諸人士罔不雲蒸而龍變第得以顯觀其
盛不謂有厚幸與善楚在昔稱名學使如少華許公

三石喬公皆能以文行倡興多士收公明作人之效
庶幾空同振鐸大江之風矧足下人品出二公上先
聲字格已久者乎第以是幸楚士之有遭也第楚之
士昔也樸今或浮靡夫昔也介今或脂膏矣昔也厚
今或佻健矣昔也毅今或闒茸矣此其作之寔在足
下夫謂金之在冶泥之在鈞也又始進自干進者多
而始進輕矣夫進一有力者則阻一寒士之進此倖
竇之所宜杜也足下家隣於楚杜之宜嚴茲固無待
弟贊矣弟年來存雁家難鬚髮種種成翁一切世情
了不干涉獨平生抱山水之癖懷五岳之仰頃且走
書約沈純父鄒爾瞻為洞庭衡嶽之遊乃純父欲歸
不得歸而爾瞻報弟書曰老親尚未徼一命終當視
夫為進退也云云弟旦夕將裹糧獨徃夫弟今如伏
蠃之虫願翁放於山澤蘿薜之深不復知有人世與
其若二三同志者落在趙孟套中豈若偃仰烟霞於
長林大壑之間即不能如黃鵠之摩九天庶幾與鷗
鷺而鷗鷺共適其適乎此隱衷非足下不以告也薄將
愧不成享亦不復襲套具賀書惟賜鑒亮不宣

與少叅王太初

別來憶恒叔風格真清真在風塵中也謫居日手佳

篇讀之如對芝宇大隱能見大寂能置劣今人間世
有恒叔矣時事修怨吉人忍心點壁每中夜撫膺覺
牀頭風雨啾啾長鳴楊用修云自惟千鈞之弩一發
不鵠則終身永殘第恐聞鷄隼之鳴能無技癢乎此
可與知己者道耳王敬美關中相促席甚歡聞之久
拂衣行矣三泉諸勝日供主公品題學愈滿而篇章
日富其年來浪迹終南太華間猶能窮探極躋與五
臺三峰作實主數日始知貪絕竒必陵絕險光山君
非毀我夫不謂某之癖於遊頓忘其為萬死身也終
南諸小作請三太華之困尚未許容異日者便羽致之

與少州周二魯

足下昔從長安行徑中一顧我奚啻千金別來十三
年矣僕命游金幸出萬有一生之中得與於 賜
環而 足下以直言取忤愈挫愈勵歷百折而不同
一旦握手此中相對歎歎回憶疇曩俄如眩夢第僕
與 足下同抱憂時報 國之士志而僕則颯然已翁
孟浪一出於時無補冀返初服拂衣青山別後值諸
孫痘險兩月之間以夜為日自覺情深骨肉直可疑
脫浮名又家人來知故園大饑進退谷甚業具疏請
復已奪之 思而 足下尚爾之命下矣不勝彈冠

之慶夫豈以一官為 足下榮我謂 足下入而能
以其憂時報 國者瀝膽輸誠效之師門正謂士君

子有其志不行而托於知己者以行猶吾行也頃得
政府書慨然相信足破庸衆人之疑且示以不復

言去之意而僕復進之以用人則天下治容人則天
下服欲其巋序大業以仰副 主知俯對群慕不令

時俗嗤歎者謂有蒼生之憾如敢深源也且 政府
之望於天下誠獨重矣天下之人於用一人行一政

不曰某而曰 政府夫謂歸諸重者而苛求之則然
也可諉曰吾未之知乎 足下入而瀝膽輸誠效之

師門俾相業復光為世道一大快僕以是為彈冠慶
也前抵 政府書曰公門墻中求有意氣翩翩能為

知己死者必曹即周君必曹即周君云大者負才者
多好奇喜爭而或圓通是祖雜之機權一雜機權便

漓純白視去行一不義而有所不為者萬里矣 足
下以為然否 來教黨人之論甚正僕則惟知有去

而已耳明春為乞身計正 足下登朝時也 各有
志所向不同願知己如 足下為我言之 政府共

成之

答主政周二魯

得手書知楊君書未至楊窮甚為嗟之友人作縣者
想遂留戀而不能歸耳僕先是有亡兒之變已絕意
時榮頃叨起寔出太原相公意不得不勉為一出以
報知己若謂士君子有其志不得行而托於知己者
以行倘於世道蒼生有裨猶吾行也不謂蟬游撼樹
徒托空言又平生所學耻效圓通誰知以行一不義
殺一不幸而得天下有所不為為正無以多病之身
心盟泉石昨冬業已具疏偶值小兒出痘今春又值
朝堂聚訟之會頃始得陳乞不知允否必屢疏得
請乃已士各有志所向不同此非廟堂欲去吾吾自

求去耳來教謂古及今能反己者無幾至以司馬君
實蘇子瞻為言謂不當以己意雜之孔子曰君子求
諸己孟子曰行有不得者反求諸己其身正而天下
歸之薛文清公曰人能知天下國家無皆非之理斯
過人遠矣從古及今未有不反己而能為君子者未
有不反己而得免於不為小人者來教謂宰相與諫
官度官皆當反己僕謂惟宰相最要緊以此念一動
又天下國家之福也又國家運會與自家福量也然
非無我心者不能反也又非人所能使之反也奈何
今之下之言事者全任意氣而上之處事者全用

權乎野人安得又設時事弟因 足下與趙汝陽違
朝可為世道快第僕雖快於去而知已之報猶未
忘以故前惓惓於 足下顧今時事似難措手 足
下負經濟才須相機善道可為則為或可道僕之意
而不袖僕之書與之深言天下事也僕今已矣計入
山投老矣視 足下為之猶吾為也

與左轄朱明虹

貴陽近在數千里外不謂天上翰音昨羊從西風下
山中讀之喜欲狂讀之喜欲狂所媿燕言菑木仰見
大雅之不遺而故人義至高薄劣如楊者具何以
報也茲拜手書如接芝宇散鄉王夢澤云今人揚聲
藝死其人則不長者即長者亦踈濶不適用 足下
藝死之惟其人自長者又通方而適於用世道終必
賴之穉宰專丘壑竊比散木茲復出日冠裳以山林
塵靡之姿而逐隊隨諸貴人鷓鴣之班自覺宦沉如
冰恐曹草之戀乃其故吾樊籠或不久羈也故人愛
我知我何以教之 高旌旦晚以計入恨大官法釀
無能私擬問長安酒樓以俟

與憲副陳任菴

別來十易春秋馳想如昨憶昔第與大率仗關內外

皆不欲殺人媚人矯詔待罪一時士大夫皆稱同志
後夫秉憲河以南而第成秦中衆人勤數千里外
訊我且助我資斧故人義至高迄今耿耿在心末由
啣結報也言之隕涕第起家西蜀叨轉歸於峽中奪
去愛子遂灰出山之念甲申春遭先妣閔凶殘病之
人形神摧毀今雖久離苦塊而掩耳時事曾見脚報
知夫從憲副乞休回思十年前在僊泉道人處論心
之言如操券不爽嗟嗟此可與時輩淺淺者道哉先
是 新秋有南嶽之遊為卜居所妨業已撰杖屨後
之明秋我夫當遲我於七十二峰之上開口笑也
吾人云人生行樂耳波波汲汲在人間世何如祝融
峯頭看日出乎又於時辛母曰桂陽遠在衡山數百
里外不果來也何如

與沈馬趙定宇

其妾庸人也向者過不自量附明公批鱗之後同患
難死生幸得不即膏齋土白草以有今日快覩明公
以人倫師表上結 主知計且與二三同志仰翊
廟謨為天下快何期萬死一生之人反為朋謀善正
者忍心點壁搏擊不休此又從來所未有之事而可
為世道駭且嘆也夫世之大不幸莫大於黑白邪正

之不分而國無其是雖然人心公論久之自定而國是定矣吾輩有宜去有宜留去者為名節惜留者為君國憂均當付是非於天下而以無辨止謗可也高明以為然否其德涼分薄起家西蜀叨轉歸喪廢壞子于峽中又繼之惟先太安人閔凶游蒙骨肉大難形神摧毀幾為廢人今且掩耳時事惟恐入山之不涿矣明公含光沉馨正直而本之忠厚固世道之幸也風便附中候私臨裁不任馳越

與給諫鄒爾瞻

笑即報知一丈尚亦入京意者時事悠悠進退維谷乎客冬高白友書不識徹尊時見吾大都我輩身憤風波膽已不寒或出或處均當付是非於天下夫與定字入則沈純父可留如其不然第勸純父拂衣為上策以吾輩可死不可辱義固如是也丈為山巨源第得為稽叔夜幸矣

荅右轄陳五岳

往第從峽中出也正足下入錦官時東北踞岐蒼渚迥不相值向來積種種計與足下陳說平生於浣花溪上以共洩其俛仰千古之懷竟爾成虛碩私心念足下數年前臭味於我猶在也孫華容致足下

手教并諸新篇讀之宛見意氣襟期神采飛越年齒
不忘窮交故人裁禪謀謀於野則獲子長足跡徧天
下名山川而其文益竒固宜足下之大昌于鳴若是
也第放夫窮愁之音於震蕩播越中聊抒其寄耳本
無當於作者尚冀足下印可之幸來游懼骨肉之難
至延及先妣以今仲夏禪除遠承通家厚誼宜何如
為報足下鴻鉅之榮光於海宇願言勉崇明德以終
壯圖第才乏通方不堪世用時事悠悠惟塞耳障面
於長林大壑間烟霞成癖近且馳書拉二三同志為
洞庭湘山之遊而後及于衡山七十二峰直從祝融
峯頭看日出視昔搔首問天蓮花頂上奚殊矣將五
岳不獨為足下有足下能從紫微花下復私五青山
乎呵呵

與留學劉肖華

川中一見結平生之知本之同病相憐意氣相許視
握手投歡者猶落二義荆南別後僕以德涼分薄海
陸骨肉之變形神摧毀幾為廢人讀故人秣陵書氣
增艱危神采飛越恨身羽無從也頃聞足下茂膺滇
中新命為鼓舞侈一快以天下士習日故靡靡一風
即有高談性命者率多勦說圓通疑言

文章之士庶幾必自有真今操天子爐錫錫士士或
知有禮義廉耻不爽于用乃今見足下與蒸青門沈
東霍並出督三省學三省皆稱得師矣滇雖大荒風
物奇勝舊時揚用脩張愈光屢聲振響其間足下校
藝之暇尋幽吊古陳詩觀風力振大雅其所以仰咨
主恩者豈淺鮮哉惟是僕塞耳障面于洞庭烟水間
不復櫻世網遙涕瀟雲日遲故人萬里一書也附便
羽布悰餘不一

報鄒爾瞻

春夏間得子書知故人在朝情况然以我輩從萬死
中來幸矯矯吐氣又復困之頃之純父與我大相結
去矣純父亦未見請告我丈知還朝當有期時事直
置不道惟是大塊勞我以生日櫛櫛在人間世有同
羸鷄五岳之遊第效宗生之臥久矣然終涉懸空萬
想還不若對景親切與名山作真知己庶幾曰身在
五岳神遊八極也茲致書枉我丈為洞庭湘山之遊
而次第及衡南七十二峯計相將坐祝融峰頭夜半
看日出印對此心當如鳳凰翱翔千仞之上何所不
得太華天下絕險也第曾直凌三峯絕頂凡再宿石
室而返於時咲昌黎子惴惴作兒女子悲號見朝山

靈今登衡岳特易易耳更冀我丈馳書拉諸同志撰
杖屨相從世情翻覆所宜等之虛舟腐鼠土直何可
與心聞固知二丈不以彼易此矣丈肯如約幸毋作
泛泛語優我

答雲夢孫山人

僕以倖直之性忤時觸憲自誓剖心裂肝於殿陛之
前矣賴天之靈猶得以僅存餘喘歸見老母始謀以
短後之衣從塞上也此由狂瞽不量所致而足下為
我憐之遠煩長翰思之公稿有九天咳唾一旦落吾
掌中令奄奄就木之人敢勞足問嗟枯就生此之為

感宜何如者而足下意氣翩翩不於茲可徵耶足下
握瑾不售含光匿景而托之文采其為人孤介逸俗
海內呼為山人假令足下翩翩青雲置身朝廷之上
豈能與世之鬚眉婦人競為妖冶之態以取妍時眼
眉顯融耶是僕之所不為者信亦足下所不為而足
下喜今僕之所為猶吾為也僕自燥髮受書見古之
達人以死為生以辱為榮以賤為貴用能浮雲世態
旦暮萬古而遐覽宇宙之表每私心高之持此以觀
今之敢於搏擊不難一決者似之美然或以天子宰
相為奇貨而借之驚節樹聲吾又未始不畧其行而

罪其心也僕今日者其或有類乎是耶此又僕之罪也且僕居冷局十年矣旦夕當補外得熱秩夫特以事關綱常致動天變不得已而當其時即七尺軀吾不能有而况其他耶此僕所以旦夕悲心流賈生之涕而慕屈平之沉也特足下知我為吐其愚賤體稍妥擬束身造河湟戍所異日者即無能北策胡西策羗從介子延壽後以振奇萬里外尚期于荷戈之職取足下篇重歌之塞上當與古鏡歌鼓吹鳴鳴相答響於時助我清狂發之天竅造物知不吾禁即投之絕徼於此與不洩肯呢呢為兒女子悲耶教未即田

畫告志元之言惠我大矣

又答孫山人

鄙人歸自絕塞惟恐入山不深何期除目忽從天降所幸聖明感悟又宗社生靈之福若鄙人弁沉何足論於世態炎涼諸交承以書來率侈言榮進而大獨我規嚴善始善終之戒大都海內義氣友朋愛之固若茲矣鶴髮垂堂烏養方遂昔日狂瞽之謂何而今忍心絕裾耶第國朝事體凡遇特召者進止多不得自由又隻身無兄弟子侄者方許終養然際此清時會當瀝血陳情莫謂所願也堯文云必也立

朝增蹇匪躬之節諸凡為宗社生靈大計可入告
者幸我文不靳以聞俾得仍以狂直仰答聖明萬一
而歸庶不負茲行耳

與友人

不佞狂愚無所比數辱我文憐之又從而樂道之授
我新詩讀之灑灑令萬里征人頓增氣色異時荷戈
之暇取而歌之塞上當使秦聲失響足下助我之狂
多矣昔人謂窮而後工工于窮處得力不佞今之窮
益甚其何能大昌其鳴而以窮為娛耶第七尺之軀
尚在日月中寸鐵當愈煉愈精肯將死生榮辱復易初
志作兩樣看耶此又不佞所由通于詩者恃知我者
及之

與督學李本寧

荷愛刻感無由面辭謝為歎僕今之華山必凌絕頂
倘得寸草蓮生肺腑當片片拈出向公藝壇呈奇也
頃遊黑龍潭之險已咲蘇君怯矣異日者搔首華頂
蒼堯之上問青天又寧不咲韓君悲乎二生有靈當
知百代後有狂如艾生者猶能以萬死之身埜視仙
掌杯視黑龍而落魄大塊間也二君曩時悲啼恐退
山靈河伯所咲者不將翩翩焉復起而揚手擬作兩

笑歌寄公且道鄙况言別

答陸山人

昔人云名書畫不可侈玩於人恐來貪索僕今者得無類是耶呵呵足下佳園秋色可餐無之黃花咲盪盪頭新釀浮浮欲嫩嘈聲似喚幽人此自足下風味不佞在故園時亦於此興不淺今碌碌在人間能不負秋風乎

報友人

年來放浪隴雲關月之間無復拘礙一旦出婦人再醮復點班行逐隊亦趨見折腰屏息之狀大有不堪者回視疇曩檢友人登嶽南第一峰與搔首太華三峰頂上不其仙凡迥絕乎

移胡生雲從

僕於足下并有平生之素傾蓋出肺腑相示不自愛而愛足下冒父子必不能相信之嫌於二三直指一旦援之九淵而欲其覆盆見日羊腸化坦者蓋憐足下之才而又憊倖足下之有悟收桑榆之功救東隅之失如太空重雲欲爾開霽萬象不失使人皆見之天下信之則足下一變便殊絕非復故吾而僕亦可以有辭於當世無使人謂某氏子以風

節聞天下而其取友有不然也前致書豫周處戴淵
二氏故事規 足下意蓋在此乃 足下故態猶存
惟知以奔競為快意視交結為良圖日動勸勸疲
神殫力用財如土費酒如川惟日不足可謂許子之
不悁煩矣况黨與非人如人自魚與之俱化至是而
足下之反已求新無復可求而僕亦悔於厥心誓
從此斷吾臂不為人駿一字障吾面不敢見一人充
吾耳不欲聽人之有口死吾心不復見可欲而亂得
保吾硜硜之介為全圭完璧以終其身而不致半於
九十是 足下非所以為吾累固吾好脩勵行之資

也孟子曰人恒過然後能改困於心衡於慮而後作
足下之困衡非一日矣果待何時而作耶諺云牢
獄福德堂此語最有味惟達者行之為此生受用禪
家謂滅動心不滅照心即吾儒明善誠身指也足下
素好禪今動心不滅矣照心何在耶遽瑗行年五十
而知四九之非卒之名德爛然與孔聖同光照耀千
古不可及矣如周戴二氏一遇清河雲間奮然致行
至今有無窮之聞此亦爾卿前入芳躅也可不思仰
接取且 足下以結交為苦乎樂乎榮乎辱乎禍乎
福乎試一反思當自知之今以苦為樂以辱為榮以

禍為福僕殆不知爾所稅駕美哉謂 足下業已憂

言於此一旦去俗從雅離置節恬含濃澹澹如猿鳥

之入教縹緲將有性命之憂自非天下之大勇何能一

變至道耶嗟嗟堯桀轉移在此一念前事之不忘後

事之師也鳥之驚於矰弋也思亂浮雲以避之獸之

脫於羅落置罟也思凌高丘以凌之夫謂周身之智

得於嘗也 足下嘗之美自謂予智矣而曾二物之

不如僕閱人必來如貴陽宋吉士某西蜀姚員外某

皆以意氣交遊傾海內者宋後謫失軍落職家居今以

偽印雍重辟姚遷王官歸今家徒四壁立二氏皆大

敗於交遊此又足下可鏡也始僕望足下攻穢業致

身青雲終厥壯圖以報知已今亦已矣所望以前事

為在車之鑿無蹈覆轍以禍其身况人皆信迹遺心

向之罪 足下者信之平時而今之議 足下者信

之一日何者謂其聲著也奈何不之思耶苦言藥也

其言疾也願 足下仰慕遽瑗希踪周戴息機志物

勵無求之操堅食貧之志有力則可賞而官不則宜

安分聽天無生心階禍且心迹已明自可長嘯物表

或明農治生或立言為不朽皆惟 足下所為語曰

天之假助不善非祚之也欲逞其心以稔毒而降之

罰也 足下固非不善者第今之遇僕人謂天君假助之矣幸無違其心而厚其數

與少叅王恒叔

柳子厚在柳州時盡得柳之勝而吐為文章遂令自越有柳為天下重夫子厚汚叔文之黨世故薄之其為柳重獨以其文耳 足下以文章名當世又諫垣骨鯁不能黨而出於藩天下皆高其槩其重柳非如子厚之獨以其文第後代即論文章家如子厚則謂其至柳始工固宜 足下之文益工於柳也何由得諦視之不肖戊子冬入 朝不數月而南自惟故

吾猶在不能換面從人項上書己身又不可得丈夫負此數尺軀肯為人間世作玩具耶譬之禽鹿野性難馴絃是越契而道巖阿耳曾與當軸者抗顏論足下外補亦已矣可令典蜀試即叅蜀藩耶雖然足下在 朝亦必出也惟出然後見 足下翺翔藩臬固不為不適也思恩守謝君啟鄉 謝司寇太東公子也以京兆徙今官其人無他腸得叨 訓植為幸附便布悰積臨裁徒有悵然

答周槐村主政

蹶躓從流沙來卧絃南山下無子雲之玄而有其字

莫每憶公教雅恋鳥忽拜 華牘如領面談至惠覽
佳集斐然之音誦之空谷則驚而喜不識何以得此
於公也穆楚之鄙也狂且瞽賴天幸不至之絕即
今塊然斗室中師事五千言如木人見花鳥不驚無
復關世情矣乃讀公詩教不覺技癢動見獵之心夫
穆非知詩者也嘗聞之人謂詩道甚清先之有其才
具又須破萬卷而庠一生結才盡海內與之商確印
對而後要與可居也漢魏盛唐詩之法也其法柔澹
雄渾微婉俊逸沉鬱得言外言味外味後之作雖
人人殊其誰能廢法乎不法不傳此宋所以無詩也
而唐千餘年而我明踵之何者謂天下猶有謹漢魏
感唐而求獵羊者也故曰取法乎上僅得乎中公詩尚
柔澹醞籍拜教多矣夫穆非知詩者也又坐離索無
由結海內之才與之商確印對即詩亦不格間或乘
興如候虫之鳴不過借之自遣或苦於含毫輒授之
地曰天幸惠我餘生而吾乃自促之耶以故於詩不
求工至不可視之人矧公平雖然見獵之喜未忘也
昔高常侍年五十始詩每觀其集中與少陵諸公唱
酬往來得居其奧而名天下少陵與高詩曰美名人
不及佳句法如何今幸公求少陵大將之旗而樹之

騷壇穆當以小隊從夫小作請正佳篇完上惟矧蔡而恕其狂

荅朱宗尉進甫

前日之會興盡而還且得過子雲之門覽草玄之什猥辱冲虚謬為商確五言近體七言古詩絕句具多閒澹冲逸之思宛見唐人風味獨亡言近體更宜深入大都詩有一毫塵俗入其肺腑則不工昔人謂窮而後工良有味乎其言之也老大王門貴公子其何能窮但能清心省事動中求靜此重彼輕是又不窮之窮不工之工也莊生云外重者內拙又曰用志不分乃凝於神昔人又曰輕萬物則神無累輕則自忘此其義皆通於詩也信若云云何玄弗覽何神不游何聖不入哉夫詩文乃不朽盛事昔人云年壽有時而盡言富貴有時而衰未若文章之無窮也僕老冉冉至矣未嘗不三復斯言而慨盛年之難再傷舊業之日荒夫清才妙齡其矢心圖之務成一家言期於不朽使子建不得專美於前又知已願望之私也高明以予言為然否

與少宗伯趙定宇

老夫今不作官歸矣弟亦何嘗一日忘去專戀戀一

官裁第謂夫此舉不但無補時事適滋多口頃朝堂紛紛已有黨人之疑今正墮其中必謂夫向為主使今為庇護何以自解一也時值趙少宰北轉謂夫遂有芒背之嫌形跡昭然令人得指其非而闕然議之即百口莫能明二也明為吳沈辨白而二公業已媒孽其短者衆今夫又助之攻令唐君輩群起數其事而賁之反重累三兄絕其嚮用之門即廢棄田居祇增懊惱三也第前在京小人百口謗文通厥張無何賴有論劾疏至始明弟別太倉時力言小人加謗於君子之當察今厥張復入當軸正在危疑必謂文無當軸以之作厥張送禮四也趙夢白發難致滿朝聚訟當軸以夢白為罪魁深啣之今又云趙師弟而避其名則隱然以弟為主使可建鼓而使入擊之立招而使入射之乎五也吾輩昔為江陵象謔共有海內之名入今又將疑夫已官卿二必久於南大拜不能即待復尋別事幹討好名頭歸六也有此六不可幸夫裁之天下事到面前不得已而應之亦謂行所無事非擾之也今又似生出事來則擾矣不得為忠厚可又謂之正直乎獨不思當軸者肯甘心俛首任夫牛馬我而應之哉必不然矣刻印銷印從如轉圜是所望

於我丈代面

與考功歐楚門

向來僭疏兩領台報英詞嚴藻照耀寒肩昔人謂吏部文章今何幸於老丈再見之從古碩儒名流身處一室而神遊八極跡依鷄侶而精注藝林故每每馳驟于篇童齷黑以寄其豪而岩廊恢博之氣亦自益溢言表如太阿出匣光燭未易迫視令讀者一見知其為天朝夔龍無筴也彼謂窮而後工者蓋言言酸耳可例論哉其今寓恒陽書院中得同諸人士商確舊業冀得俟完于墮甌揚燭於委灰以救東隅之失而仰副台鼎故知不擬竟成何以所恃必不即奔捐者有老羊丈在耳附便草草不一

答柱史王同年

穆曩從同袍中見有風神秀朗性槩端亮可屬大事者不數公如老丈實杜心慕之迨老丈取制科翔奮仕林英聲赫霍遂躋公臺直氣動天下如朝家靈叢多所振刷若皇陵巨瑞恣橫數十年民怨憤久結賴老丈抗疏論列楚中人頌楚之名流特起大有德於桑梓者咸歸之主持節南墨吏望風解綬民宴其恩風力震闔夫吾楚近自洪塘老先生以孤忠勁節

為國鳴鳳至今猶談者雲靈茲復得老丈接軌紹林
諫垣宗匠後先相望海內奇絕事可謂並萃一門矣
穆附老年丈榜末場翅書真昨年為母老乞官得北
之阜平盖天下惡陋地願漸以硿質誤蒙當道壁視
處之書院中勉令再試恒陽密邇老大霜臺誼當通
賤名于記室伏祈照原不備

與明府丘次峰

昔人謂文章一小技於道末而尊南華氏云惟道集
虛老氏亦云江海之為百谷王者以其善下下詩文
雖技藝云然虛則受益化境可臻石信心獨注終難入

聖讀來教論詩文蛩然之音令坐空谷中有愕而喜
揚用脩評杜詩絕句本無可解惟取花卿一首得風
人之遺非謂一部杜詩只此入選也用脩詩亦全學
杜但其調不如杜之逸耳公欲我遊心漢魏以昌其
詩上求西京以極其文甚盛心也漢魏西京遨遊有
日矣然其妙從悟入今海內操觚為詩文者無慮數
百家率多才具不類而以此為套本又可嘆也觀舞
劍而識草書因解牛而得養生正謂師其意不泥其
迹善學善悟者也

又

歸來日夕與老母擁爐不復知天壤間有何快心事
即楮筆亦宋之高閣興致寂寥以故尊委至今未酬
非敢故作慢瀨態也前吾來惠我教言如領面命僕
本不詩願放逐之夫落魄人世視宇宙若無所容而
不得不以山水之情友朋之樂託之詩以自遣緣足
知此道甚滿子美所謂更覺良工心獨苦信然信然
每謂自來文章家各有其至亦必各有其病而病不
能掩其至今之學古人者未得其至而已先有其病
即雄厚如敵言病則粗俊逸如仲默病則弱而病皆
不掩其至有其至而無其病者日合是也然去二氏
遠至又近時如某之奇秀有浮之病某之弘博有巧
之病今海內率尊之乃僕則謂柔澹朴健終讓二氏
而病亦不掩其至今之學二子者病又益甚矣又有
托言根抵風雅一切為流易近人之音以自附於温
厚和平之旨而其實憚於法之難入即自成一家古
調亡矣論者固未可單古尊今亦未可貴耳賤目也
又如某集過摹左國而欠變化誠非大家然其中亦
有足稱者若謂學人語言而槩薄之則敵言將不得
稱雄藝壇乎大率文至西京詩至盛唐如般僂繩墨
後有作者誰能外之所貴有金鵬變化之手不法而

法耳鄙見如斯不識高明以為何如僕才力薄劣年
來以殘骸餘魄播之萬里老冉冉至矣其何能劇心
鏤骨以稱於作者之林願一切抹殺而遊於無何有
之鄉公晚節漸於詩律細者所謂不朽者因自有屬
也 刻蒙過採俚言外翁書索酒詩二首公蓋深於
酒者僕未知其趣而道得非強作解事者乎呵呵幸
甚

又

上都忽上三更歲事廢從故園音問粗得起居大畧
知高明懷况不復牽踟世俗吾道滄洲固若是矣山
中花鳥渾是至人清與直可信手拈來幸甚便羽寄
我令長安塵土中一觀詩中之畫何異卧遊幕阜也謫
劣在散句好類覽古今作者奈才不逮志如抄人中
夜驅車誰與登之覺路又每為應酬文字受迫促雕
虫小技反覺為此生添一贅癩恨不得如韓伯休避
名羈陵耳莊生謂知效一官德合一君而宋榮子猶
然咲之贅癩我者窅竟有何表樹耶第年已四十見
頰毛自信頗能達觀世故之表弁沉滯等之浮謳又
素性拙于趨時跨馬候遊如投萬里絕國見時儻善
宦者必時套相高業人取寵輒心鄙之目為異物即

許我三公不能效斯豈堪世用者哉此則有道者卒莫
能我我咲也恃知已者為一吐其狂茲叨恩移贈老
子遣人齎制辭馳歸焚黃墓道附此敬知門下并布
潤私論械不任馳越

卷上舍李玉齋

華誕以僻處山中不獲登堂序薦鵬函致俚言代意
且冊葉已不文矣又復贅之以此詩無能發揚高雅
萬一聊見平生之言耳何云玳筵之光乎來教獎借
踰涯至自况承福索馳而籌孤於南華禦寇夫承福
索馳之福實賴昌黎傳之千載昌黎必有取於二氏
也夫二氏其小者也昌黎易易言之假令今日遇公
大巫神氣俱盡雖以昌黎之才方駕南華禦寇號稱
文章家丹青妙手恐儀毫失墻儀髮易貌不易傳神
也况淺陋不文如孤者乎

又

荒微中即飲水吞炭猶能以殘骸餘魄付之無何有
之鄉不復關世情差足自遣矣老母頽齡猶喜雅知
大義從古以來為人臣子兩大件不能兩全奈何奈
何茲有不肖上幸考滿恩典雖七月命下而制文呈
御用寶則今年四月也聖明既不以罪巫廢其典

不肖又安得以罪譴之餘而匪君之賜於不彰乎為
此專人馳歸聞之縣大夫至於焚黃先父墓道又俟
金雞放赦時躬徼諸君子光寵為山川榮也

移胡生

僕于足下居相近也而素昧平生每聞里中人談足
下居家居鄉大不法事皆吾十數年宦遊所未聞者
僕不勝驚愕以足下曾讀書從縫掖後豈不知家有
五倫人有四維國有三尺而乃自恃吾舌在可敵十
萬師憑其梟雄以為舉鄉人皆出吾下也以故心如
湧泉意如飄風弁髦平生蕩檢敗閑無復顧忌一至
是耶然僕猶謂足下不如是之甚也以毀譽愛憎者
人情之至變也居無何而足下惡聲加我矣齟齬我
矣僕雖德之不脩誠之未至不免招侮釀釁亦不宜
獨見惡于足下也且僕視足下猶臭味中人又有一
日之長於名教無甚玷也足下所宜兄事之者即有
罪猶十世世宥之以附于議功議能之典而足下乃
不我寬耶里中人聞之皆為僕語曰若人加公公不
校謂不足校也人皆服公之容矣若不謂公我容也
而軒軒然借公張已足公之能容所以為奸人資翼
其虎而佐之橫也如地方何僕曰吾昔孟子善養浩然

之氣壁立萬仞與列國諸侯王分廷抗禮似若雄視
一世矣而惴惴退然自反者三三者備矣然後於加
我者妄人目之禽獸置之此其存心之細固所以成
孟氏之大也夫若吾助也而吾職為若校子居無何
足下伯黃氏產矣黃氏者吾戶下甲首也其人至易
與也又久病而尪僅一子乳臭也黃氏信可信矣如
公道天理何足下一旦伯其產在僕不無飛鳥依人
之憐顧僕則寔令黃大讓足下而不欲訟之官吾不
虞黃之產為足下奪而虞黃旦夕待盡之命為足下
不延也何者以百黃不能當一足下也僕此耿耿天
地鬼神可鑒而足下乃不我諒又愬之道府謂縣家
率獸食人黃寔結宦放債無論辜厲上官不能即了
而架空竦聽似欺人於青天白日矣似此知里中人
談足下居家居鄉大不法事信毀鑿鑿有徵也雖然父
非堯舜不能無過孔子曰過而不改是謂過矣而其
稱顏滿高第也亦惟曰不貳過夫聖人不貴無過貴
改過晉之周處兇疆俠氣大為義興鄉里患當是時
人以之配水中蛟與白額虎為三患後處欲自改而
恨無羊也清河公曰古人貴朝聞夕死人患志之不
立何憂令名不彰耶處遂改為忠臣孝子之戴淵者

遊俠不治行檢人也嘗劫掠江淮間陸機謂之曰卿才如此亦復作劫耶沛使泣涕投劍歸機機彌重之定交作書薦焉仕至西將軍相去千數百年而其戴書具在世說新語中可覩也夫周戴二子之始也人罔不以為蛇蝎為豺狼其卒也人罔不以為祥麟為瑞鳳一人之身而前後頓殊美惡異視者何也在一念轉移間耳故一念而善如景星慶雲現天地開朗人快覩之靡所不善矣一念而惡如狂風暴雨至而天地晦冥人避之靡所不惡矣此舜跖之分間不容髮而先儒亦謂善惡之別天地之性存焉者此也况天道善惡之報不爽當要其終觀之易曰善不積不足以成名惡不積不足以滅身曰積善之家必有余慶積不善之家必有余殃言不于其身于其子孫也且足下平日自謂吾謀勝人稱智矣吾舌勝人稱辨矣吾膽畧擔當勝人稱敢矣以是意如飄風心如湧泉蕩檢敗閑不顧也然以僕觀足下落落一青袍生無所發明於功名即其所自為營殖計尚不能有所下戶之產充八口之饑也夫以智如足下辨如足下敢如足下大之當揮霍一世次之亦宜稱豪舉一方也而乃致不能自為謀何耶則可以知分之有定富不

可求夫夫足之不能自為謀足下之所遭也而反致禍其身則以所恃三者累之也夫豐狐文豹之不危羅網者皮為之災也木之拳曲軸解而不夭於斧斤者以其不材也故曰善游者溺善騎者墮各以其所好反自為禍謂夫有智則窮也况夫智之小者不足以謀身機之深者適足以賈禍此烏鰂之智所以來漁人之網而白龜之靈不危於剗腸之患也此可以喻世人矣吾以是知困人之智者不在智而在愚窮人之辨者不在辨而在訥屈人之敢者不在敢而在怯故項羽氣力拔山蓋世百戰百勝雄矣而一不勝刎首烏江鄭伯肉袒牽羊迎楚莊王之師也而鄭國卒舍之不伐此非往事之明鑑邪孔子聞老子之言而知齒以剛亡舌以柔存自古及今一於剛而不敗且亡者未之有也故曰知微知彰知柔知剛萬夫之望剛柔者幾也知幾其神乎故曰禍之所來皆生于利苟不好利禍何從生又曰得便宜事不可再作得便宜處不可再往此皆知幾名言應世者所當知也今足下錮之園主將一年矣鄉者僕期家之長與二三親友為足下講出足下也乃卒無一人應者且眾謹諱慄之曰阱中虎也而縱之逸乎蓋謂足下一出

湧泉飄風之故態復發矣必將上鄒陽之寃書挾荆
卿之匕首以脩其怨於二氏也或又謂必不得已而
出須得戒狀領焉此又勸足下之反噬而欲必是圈
之也雖然此皆過計也昔人謂哀莫大於心死而人
死次之謂真心不可滅也養生家謂心死形方活心
強命即亡謂妄心不可有也足下妄心猶在真心未
亡也吾猶冀幸足下之一悟也故今日能如周戴自
新敏為祥麟瑞鳳使人仰之僕尚當定為終身之交
即不能如陸薦戴而紀之裨官與二子牽聯俱傳也
惟足下若執迷怙終卒為蛇蝎豺狼即無論明有人
非幽有鬼責而天子之三尺亦必不爾私爾假也亦
惟足下敬布之肝膈惟足下圖之

艾熙亭先生文集卷之九

平江艾穆和甫著

沔陽陳文燭玉叔

新淦朱孟震秉器

高邑趙南星夢白

臨海王士性恒叔校

不肖孫艾日華輯

詩

七言律

西齋出京

病向西風一促裝，寥寥在雁塞雲長。流沙萬里殊非
遠，去國孤踪信若狂。楚客江魚身可莖，漢臣馬革骨
猶香。青山到處皆吾土，豈必相南是故鄉。

關中述懷兼簡李本寧督學

夢裏雷霆亦自驚，殘魂零落又西征。只憑九死酬
明主，何意餘生入舊京。御李昔應輕萬戶，依劉今得
傍孤城。題書未慰江門倚，忍聽關河四月鶯。

午日九龍池二首

九龍吟似接湘靈，不向湘江吊獨醒。報主可能心共
赤，逢人何必眼俱青。且携孤興攀僊掌，無那雙魚滯

洞窟。翹首南雲何處是，極天烟霧正冥冥。

蚤起拈筆筆未花，半心殘月天之涯。曷羨此日已去
國，蒲酒十年不到家。且隨李廣披短褐，肯學賈誼在
長沙。側身天地何所羨，太華峰頭矚紫霞。

聞有救獲赦不果

十年不向湘江返，一跡翻為萬里行。隴外倘今應
喜日，邊應有鳳凰鳴。極知故態仍狂替，須信天王
聖明閒却絲衣誰為着，塞雲邊月不勝情。

夏日與友人集刑明府在樓樓對終南山

明府真懷迥不羈，青門學圃日相期。尊前北海從

醉樓上南山盡入詩行看會日清畫永坐便芳樹
雲隨與君共是高陽侶乘興還能倒接羅

過六盤山四首

童時曾誦忠宣句仰止茲山萬里看豈謂蕭條經異
代偶同譴逐度層巒千巖瀑散晴筵兩大壑雲封夏
亦寒風物憶公風格遠咲彈長鉞餘馮驩余童時常

誦劉忠宣公白頭今過六盤山之句公昔忤逆

瑾戍肅州過茲

黃金未遇骨先殘百折風波又六盤不雨山仍車馬
靜過天身犯斗牛寒偶因此馭思回馭浪指貂冠是

鷗冠翹首八行何日到楚鄉鴻鴈滿江干

馮高風景望中攢天外河湟迥自蟠萬死誦來身是
夢六盤行盡蹉仍難驚心白草臨關滿極目黃雲出
塞塞鞞有九龍何處用漢庭今已走呼韓

欲將羈抱問山靈杯遇芳筒且自停流水似驚秦隴
咽荷衣應傍楚江青不揮阮籍途間淚從訝潘郎髮
上星况是匣中龍氣在天涯猶未盡飄零

蘭州呈謝肅王三首王讀書攻詩而好下士余
西竄荷禮遇行時復貺絨褐云

儒雅風流帝子尊陳思才調擬同論幾從好士開高

閣頻賦新詩喜大言萬里河聲流白雪九關秋思在
朱門閒看醴酒無虛設狂客澆來到日昏

字挾風霜幾百篇龍山寒影掛臺前桂枝叢處貧應
滿鴻寶書中道更玄塵斷玉關清灑翰花明春殿淨
揮絃還期瓊樹庠皆滿文采風流奕葉傳王尚無子
萬登金城擁國門逐臣寒色傍朝暎縱多故友綵袍
贈爭及君王挾纊溫羅薛夜懸山月夢芙蓉秋斷楚
江蒐短衣製就思投筆乘興還堪賦雪園

甘泉塞上呈中丞侯公三首

青海灣頭調角聲虜王西牧欲橫行戎心縱款猶難
則斥堠無烽却不驚破膽爭傳司馬諭愛降高築白
狼城腐儒未識麒麟畫只道風塵易請纓

一自登壇罷羽書柳營名重亞夫居健兒門外風雲
在斑劔尊前歲月虛持斧幾驚霜滿路畫熊今見兩
隋車霧霽化作甘泉湧灌注邊城萬里餘公時旱甚

出塞即雨

尺書江上未烹魚且向天涯一卜居到處行吟皆楚
澤幾番秋興為瀟與清時逐客風流在憲府憐才禮
法疎千載甘泉仍有賦飄雲誰道似相如

奉和岳州張兵備二首

素書此日到龍堆珠玉因風落九垓人憶和歌
裏調從張樂洞庭來踈狂合我投荒者保障如公自
異才臺畔莫吟平子賦楚天秋晚更堪哀

握蘭虎署為即日意氣相看獨有君擊節幾談天下
事建旄今領水犀軍幕中說劍雙龍動樓上傳雲七
澤分秋色滿湖吟眺足銀魚何羨碧山焚張有歸興

故云

千日重陽宮

獨有青山癖未除支離猶自傍山居山深花鳥不知
姓天近雲霞欲滿廬鸚鵡那傳鴻鴈字菱荷空戀逐
臣裾彩繚好作姍姍舞目斷金鷄五色書

戲與李使君索真一酒李昔官南都釀此

不向長安問酒樓日傾清醕勝封侯幾將風味誇理
席曾記槽聲在石頭色借蓮花儘掌露香分竹葉曲
江流因君賸有相如渴可得當年太白浮

北海尊應隘五湖好分春色付當壚杯逢衣紹君仍
醉飲到平原我可圖但使聖人時復中從教天子便
來呼名園醒石今猶在惱教長安舊酒徒

剋從神武掛却還酒痕日日夜裳斑白鹽醱中建茶
水黃公壚畔終南山此間玉液本自足况有碧桃

可禁不如與君乞五斗驂顏那得勝開顏

郭縣馬明府拉遊漢陂空翠室紀興二首

漢陂幽事隔西林地主風流拉共尋一逕曲盤千澗
水空堂寒落萬峰陰人於勝蹟遊非倦道在滄洲興
不禁雷雨任教來咫尺漫橫長笛引龍吟

天涯風物獨相親一咲江頭對白蘋為有波光清入
酒况兼山色澹宜人地如澤畔應吟楚客是長沙解
過秦此日逢君花滿縣桃花不說武陵春

王翰林敬夫亭子

碧山之人人已僊當年亭上草大玄藥久三更子午

谷紫霞萬片逍遙篇菱葉荷花情不淺滄洲淺水清
可憐十千新豐如我待乘興來釣槎頭鱸

贈李使君李昔以臺官論劾故相高公補屬觀

察乞歸不復出

十載衣裳有薜蘿慣從清渭況魚叢埋輪曾在都亭
地按節猶澄錦水波門擬登龍常欲杜人稱鳴鳳可
能羅至今留得朱雲劍霜色依然以太阿

答贈張明府張常高卧不出

愛君常日卧烟霞天地閒身五色瓜啼鳥聲中鷺戲
月野雲流處話桑麻昔年書帶今生草河畔春風舊

種花見說靈根元自有不從勾漏問丹砂

暑日飲後見白髮

身世飄然類轉蓬驚心素髮憶兒童醉從赤日流天外吟遣青霜落鏡中合伴窮愁娛晚日豈緣衰頰怨春風翩翩猶道潘郎少秋與年來亦自雄

偃遊寺飲趙守身書樓聽寺僧隔江吹簫樓後

有馬融石室右俯黑水潭為隋文帝投金龍處來與環登百尺樓九峯靈影入尊浮簫聲故逐江聲亂樹色遙燕野色幽石室雲封千歲草金龍光動萬山秋醉來夜半呼明月黑水潭邊欲枕流

送姚右史歸蜀

見說登樓賦幾裁青天道上馭應回亦知散吏能無隱不謂浮名解如才前席虛聞宣室召堪抑衣遙望劍門間別君何限青山送大咲終南酒一打

寄呈乾菴馬公四首公於大婚以後拜相

窈窕歌闌五鳳城相麻宣處上台明道豈好白虎談經日名重青雲曳履聲自是持衡公望在一笑看垂玉主恩并平津閣上人多少曾記君王問長卿

秦中自古稱雄勝光輔聲華未寂寥蓮獄東擎僊掌秀滿關西帶濁河遙炳靈辛際風雲會正直應逢日

月照二百年來公入相好將勛業答熙朝
壁水春深桃李被幾從絳帳識風儀傳經筆謂如劉
向好士還聞說項斯才合補天應柱石心懸捧日况
逢時狂愚似我真何補慚負當年國士知

繡裳蒼玉自丹霄風采今看表百僚 帝謂山龍惟
爾補入期霖雨幾時調鳳池魚藻歡應合鴈塞狼煙
燼盡消流落馬融門下士玉關猶得比班超

夏日與友人相約早起遊終南五臺山

好奇相約聞鷄行行出東門天欲明青分洞口千峰
曙寒度城頭並馬迎蠟屐只憐芳草色林鶯盡作故
園聲憑君指點終南勝錦繡山河滿日橫

宿山半竹林寺待月登臺得詩二首

龍宮窈窕白雲隈雲氣空濛接五臺清梵風驚天上
樂高巖泉度夢中雷殿前寂寂曇花月堂畔深深竹
葉杯見說上方昏黑到摩尼珠似日光來

錫飛千仞且支願寶地三生似有期君子竹旁聊下
塌丈人石上好留詩空山月向三更滿絕頂秋生萬
壑悲載酒馮高還入社縱逢慧遠不攢眉

登臺後歸憇天池寺值池蓮初開與友人共飲

池上二首

天池初散玉蓮香
試問山僧濁酒漿
白社遊禪仍可
醉碧筒逢客便為觴
三天雲捧千龍淨
萬岫晴推一
水光自嘆此生迷
苦海欲因玄度借
慈航
登罷終南第一峰
芙蓉池上綠醅濃
紅衣落並天花
亂翠蓋擎疑貝葉
重絕壁松雲猶繞
杖空堂蘿月自
聞鍾最憐勝地
諧心賞雙樹聽
經好共逢

早登天池山頂望關中二鴈塔

巖峴靈鷲曙初浮
風景蒼茫一望收
池自諸天烟霧
窟塔分雙鴈帝王
州俄驚黛色橫千
里便覺閒情領
十洲最是白雲飛
不住關河迢遞使
人愁

天池頂觀無垠上人塔并衣

玉岑峰頭自曉鍾
開山有初化如龍
錦綉六銖精靈
聚芙蓉七級烟霞
封一燈池上留孤
月雙樹門前空
老松我欲起師談
解脫坐看夕陽山
下春

登南五臺後次早復登東五臺蓋皆終南第一峰也而東臺尤險絕稱勝焉為紀與二首

千盤轉盡七峯回
名勝應過南五臺
不謂連朝孤興
發幾驚絕頂萬山
開三川影落秦天
盡九塞雲將海
色來便覺此生空
浩劫何須槎上問
蓬萊

嵐光空色相續紛
白動天門曙欲分
蹄經碧澗大三

伏人在瑤空低五雲青山此日吊黎杖白晝元氣生
氤氳臥來忽作遊僊夢看遍洞中赤霞文

下五臺山至涼水泉寺小憇而歸

風御冷然下絕顛半山孤刹帶清泉茶烹陸羽堪消
暑病起維摩欲話禪興盡還能歌白雲
青天歸吟試聽疎鍾和回首空門月正圓

曲江志感

落葉蟬聲總為秋不禁清興曲江頭偶乘疎雨驅黃
犢似對汀蒲帶白鷗地擁諸陵邊氣涌天空雙塔斷
雲浮烟波已逐豪華去萬古秦川日自流

余於國賓張君素昧平生頃訪我蕭寺中惠新
詩種種皆爲余浪迹此中而賦者豪夫肝膽相
向若此戴君之誼賦贈一律旦夕將搔首蓮花
峰頭君其我從乎

公子翩翩思不群終南佳氣坐氤氳向人肝膽吳鉤
在對客悲歌郢調分三輔風高叢桂樹五陵秋滿曲
江濱相將携得驚人句同看蓮花頂上雲

將遊華嶽簡張君

西來龍氣動星辰望斗徒勞遊莫親關度紫雲應萬
里曲飛白雪滿三秦風流海內如公子傾蓋天涯自

故人太華峰頭蓮十丈拉君移作玉門春

寄趙守身申太白之約

青鞋憶昔不辭從踏遍終南幾萬峰玉女洞中簫是
鳳老君臺畔氣如龍別來風雨遊常卧夢落烟霞意
轉濃太白揀天雲霧裏相將何日一扶筇

早過乾州唐武后墓畔

策馬馮高緞目初出山雲染逐臣裾千峰曙色分蒼
霧萬井吹烟混碧虛秦地山河真帶礪則天陵墓已
坵墟曉風殘月經行處梁甫吟成只自書

朱宗尉進甫兄弟雅好攻詩與書寄此為勗

幾憐花萼吐芳芬朱邱翩翩思不群七步調裁湘野
曲八分書擅小山文崔魏嶽色中天出縹緲鯨音大
海聞彼听絕巔何日到已看風氣欲凌雲

用陳明府韻贈陳再入計

花發河陽又楚山共傳仙今在人間天邊飛鳥青雲
迥堂上彈琴白晝閒三殿重看鳴珮入六年仍望賜
金還行行長樂鐘聲近春色遙分玉笋班

用白髮韻答李使君

悠然天外一冥鴻十載青霞繞夢中漫道玉顏消白
雪幾縹霜鬢拂春風興來竹葉杯常滿老去桃源路

可通華髮至今公道在南山曾對紫芝翁

壽邢母詩邢以邑令被播歸

紫簫吹徹彩雲飛
瑤水光連婺女輝
僊令圖書清岳賦
主恩天地老萊衣
南山佳氣當軒繞
渭水脩鱗入饌肥
此日北堂萱正茂
萬年觴畔翠成圍

葛別駕有母孺人之計監司檄留清吾邑夫田

賦詩一律代簡

旌麾半刺重專城
老稚閭閻夾道迎
山兩行春仍露冕
海雲傳望幾沾纓
均田便見蘇民瘼
絕業還聞起頌聲
昌水恩波流不盡
更聞人比使君清

奉和朱秉器二首

秦關紫氣憶氤氳
蜀道青天節使分
掌上僊人難握手
峽中神女願為雲
十年肝膽知相向
一見風流定不群
舊日塗山君是主
可能同勒大夫文
秋老岷峨望使旌
幾從湖海識才名
青谿社自金陵重
白雪聲翻峽水鳴
竹馬逢迎遺愛在
驪珠投贈壯心驚
開尊何限巴江色
此日因君酒倍清

別羅孝廉

江城傾蓋識清狂
任意氣翻然調更長
歌罷竹枝空下里
賦成雲雨滿高唐
蜀門秋盡啼猿急
涪渚清霜清白

鴈翔後夜思君出巫峽楚山巴月共蒼蒼

友人道余童時曾讀逢干事有慮悵然賦此

扶病歸來未拂塵事談少小重傷神曾揮千古英雄
淚莫識三邊塞草春料虎批龍逢 聖主隴雲關月
度流人亦知不是逢干侶天怒仍留萬死身

寄懷沈純父戍金沙二首

肝膽相携別未央故人岐路各蒼茫羊城曾見飛鳧
舄沈昔令番禺逐客翻疑在夜郎曹共秋雲雙白眼
戍同明月九回腸河湟炎海樓邊地誰謂天涯是故
鄉

撫陽那見鴈飛回度嶺梅花幾度開
謫後沈郎仍是瘦調同楚客不勝哀
金沙潮落珠光動銅柱風清海
月來君在瘴鄉偏逸興新詩能為故人裁

答寄孫山人兆孺

詩傳萬里慰離憂遙憶孫郎雅好遊
人在洞庭還五嶽調翻卸雪欲千秋
天山定處仍誰到雲夢吞來可
自由知爾白頭心事共日裁詞賦
吊湘流

寄懷白同年叔升

孤踪河隴可相求二十年前把臂遊
擊筑幾邀燕市月和歌頻醉洞庭秋
支離莫問天南北意氣寧論

馬牛回首章臺思折柳笛中楊柳不成悲
懷寄蔡伯華謫官淮甌

楚雲迢遞滯飛鴻直道知君任轉蓬
垢落日猶蘭草握飄零秋問桂花叢
義高黨與官無論詩為窮愁調
轉工幾載玉關天外夢也應風雨海門同

送吳國子守秦州

五馬翩翩出帝京人傳季子又西行
叮魚自有諸生頌下鳳還馳漢吏名
烟月關河供霧冕風塵天地斷胡纓
秦中此去如相憶隴樹邊雲盡日迎

蔡夫下第歸楚

柳花如雪亂河梁一曲驪歌向故鄉
楚壁可堪悲上國燕金猶自待中郎
關河曙色催程急夢澤春陰引望長
送爾為揮遊子淚前門烟雨似瀟湘

贈曾少叅致政歸楚其子今為中丞二首

塵世誰人肯息機獨憐天外一鴻飛
邊關舊係蒼生望湖海今看白髮歸
十丈嶽蓮生肺腑三湘清興有漁磯
印中况是藏真地蘿薜滿山堪製衣

先生歸去髮朱華有郎中丞今過家
春遊一任地多芳草秋到楚巖生
桂花急流宣靖退向勇買山向平興
更餘他年試訪滄洲侶七十峰頭
紫雲霞

送孫山入歸楚

把袂青門落日愁太行山色滿城樓
孤村芳草二年夢雙劍關河萬里秋
最是風塵能落寇且為天地一
豪遊古來遷史多奇跡猶有浮湘事可求

題竹蘭亭二物謂出家傳故云

手澤家傳奕世難亭空天地一奇觀
當軒香趁三冬暖倚檻風生六月寒
可比秦樓宜醕酌合傳蔣徑似
盤桓高人永慕多吟嘯盡日巡簷與未闌

和李太史伏日小集李蓋鄆人

蓬門星聚調還同天入驕陽坐晚風
薦麥未能酬今節琢冰無力集良工
幾將日月沉朱李一咲乾坤有
碧筒惟是鄆人歌白雪頓驚寒色滿燕中

李別駕出補西江

把酒燕山壯客心青天高閣幾開襟
鳴珂昨下蓬萊殿別駕遙從楚水潯
萬里星辰瞻劍氣九江風雨聽龍吟
由來君是神僊吏五老還期次第尋

送林宗伯考績還金陵

宗伯文章太史才南中紫氣渡江來
思將禮樂酌明主敢謂勲名著省臺
玉駮忽傳新劍履僊班驚睹舊蓬萊
龍顏覲後鍾山去回首紅雲覆上台

戰計部同年還金陵

春深草色滿長安紫殿陰陰集漢官
萬里忽驚雙劍合六年今對一尊歡
悲歌漫引馮生缺談笑期彈貢
氏冠別後定懸梁月夢薊門風雨不勝寒

劉國子還金陵

檐帷南去邈難攀楊柳春陰度漢關
醉我幾邀燕市月贈君無限太行山
白門濤浪三江擁壁水雲光盡
日閒為報及瓜秋色近九天珂散紫宸班

李封君八十封君郢中產其子以左轄終養今

翰林編脩其孫也

富水仙人海鶴身年來雙鬢已如銀
風高渭水神猶在天入秦關氣自真
膝繞薇花閒日月堂開蓮炬下
星辰郢中勝事堪傳頌千載陽春調更新

送雷育吾守吉安

秋曙珂聲散建章翩翩五馬借僊郎
黃花暫喜尊罍共皂蓋俄驚驛路長
作吏古來稱愜悞聖朝今日重
循良吳天霽冕行春處試聽歌襦滿一方

舟中漫興

舟中偏及不得往閑坐只吟數首詩
開窓突入萬山翠走筆疑有三江隨
渚化蕩漾帆色淨落月捲映湖

天宜晴篇檢罷問新月金波滾滾滿湘湄

恒山江月

大江倒月動我船湖天一色秋更研樓臺萬點鏡中
落魚龍獨抱山光眠深杯寂寂酬暮景逸興飄飄凌
紫煙風塵忽已逾十載此夜江邊空自憐

次何公韻一首何蒙召用以懇疏終養

解組東歸彩袖明草堂風日不勝清辭劉父信徐生
志懇疏應符令伯情海國音書徵世好漢京詞賦有
高名嗟予同抱烟霞癖幾欲山陰葺雪行

登龍王堂二首

偶聽僊梵問天池古洞烟花盡日迷苔徑故舍靈雨
灑石壇遙接白雲低閑來風物且杯酒是處秋光引
杖藜他日更期凌絕頂野猿玄鶴咲相携

火雲策馬松峰巔松陰隨人淨娟娟笑從碧澗失三
伏坐對高僧空萬綠野蔬濁酒趣由意殘棋半局驚
晝眠興來復向翠微上醉眼十二樓中懸

南還別蜀中高子

慚把吳鉤別帝州逢君一笑大江頭殊方並轡人如
至他日相思月滿樓巫峽猶深滋豹霧湘江不盡流
鯤濤遷期結佩承明殿天外看雲五色浮

過黃梁夢謁純陽盧生

舉眼古今渾大夢停車又復問盧生一官落落惹何
補長日悠悠祇自驚南北風塵雙玉劍乾坤蹤跡一
浮萍黃茅綠雪他年事未信純陽是獨醒

舟中蚤起將訪石門僊子

雲深月白不知曙起視孤航淺水頭風引濤聲驚
亂日迎江色帶天浮人生踪跡真飄梗塵世間關
野鷗此去蓬萊應咫尺大江霜雪是豪遊

泊舟江陵

曉入江沉哀柝鳴漸看鄉月向人明喚愁河柳依依
綠催鷓鴣汀花故故輕天畔碧雲橫暮色江邊鴻鴈
寒聲傷心忽倚高樓望此夜離懷繞洞庭

別南陽曹子

路入燕雲望轉賒忽逢子建在天涯南陽肯許神龍
卧北極應通犯斗槎造物忌才終玉汝文章絕俗始
名家長安春色年年盛會借東風共看花

秋夜同友人飲開元寺

清夜金壘盡興傳忽驚銀燭轉華筵空城落木來風
兩古寺疎鐘和管絃懷放欲邀樓外月官閣疑在洞
中天亦知人世難逢醉流落風塵總是僊

七夕樂城周明府招飲開元寺二首

為政風流周茂叔，拉予山寺倒瓊觴。
人間勝會知逢幾，天上佳期况未央。
乘興欲携明月舞，高歌無得晚風涼。
豪來復有滄洲趣，懶散從人喚楚狂。

河漢古來傳織女，開元此夕集周郎。
郎對枰心共燕雲杳，把酒情連夜月長。
莫北天高稀鴈字，楚南星聚逐台光。
神君况是鸞班侶，玉笋還登第幾行。

皇上奉 兩宮觀花擬應制二首

九天風日淨瑤臺，為報姚黃爛熳開。
姪姒並臨三秀殿，鶯花相對萬年杯。
雕欄穠翠疑佳紫，蔚車旋月

欲惟自是 聖王崇大孝，景雲昨夜表蓬萊。

僊種晴開照禁闈，物情此日見芳菲。
帝於色養張瑩宴，花有天香染御衣。
鳳蓋並瞻紅霧擁，鸞齊共拂彩雲飛。
宸遊不盡承歡意，官漏重分駕始歸。

內閣省中芍藥一枝盛開有述

芍藥移來清切地，一枝濃艷使人誇。
賸將春色晉天上，獨令芳叢冠物華。
原映玉堂深雨露，莖疑金掌捧雲霞。
上公不盡調元意，時聽 君王喚草麻。

塞上呈大司馬方公二首

萬里胡雲出塞寒，射鵰無復到秦乾。
朔方將軍曾聞

郭西賊威名再見韓沙漢風塵變五刻關門天地一
泥丸壯猷方叔為謀遠策似和戎識者難

新恩宮保稱殊錫 帝寵名臣節制方開府地當三
鎮重將軍人是五陵豪黑山烽城關雲靜紫塞弓閒
漢月高早晚承明看曳履勲名銅柱映東曹

塞上呈少司馬吳公

司馬臺陞上谷雄傑然執法為親戎自從節鎮蒙推
轂遂使關山罷撓弓鵠印六年邊月朗龍沙萬里塞
烟空遙知天上麒麟蓋 聖主先論第一功

送張參軍之鎮雄

握手青門對濁醪柳花如雪亂亭皋春風燕市吹征
騎秋色巴山照佩刀蠻語解通蓮幕客楚吟應壯錦
江濤遠遊今羨張公子意氣翩翩萬里豪

送陶簿之武義陶負才流落詩并慰

聞說榮桑懶折腰偶逢燕市醉金貂懷中明月光仍
動賦裏凌雲氣自飄道在乾坤無拓落宦兼名勝不
蕭條還思花縣彈箏處一曲秋風越水遙

寄贈舊寅吳宗高助教棄官東歸宗高負奇氣

一不可意遂介然拂衣比余以病不及祖送作

此補贈

春明風送未央鐘
此去金山第幾峰
歸棹可能餘首
蒼度江還欲采芙蓉
飄零身世天難問
翫麟襟期俗
肯同清興故山吾
不淺讓君猿鶴
早相從

奉迓張大叅汝登蔡督學伯華

卜羊不見夢徒勞
那得相逢詠楚騷
豈謂炎天能命
駕便同雪夜泛輕
舸中郎彘為何人
側平子詩來自
興豪
逢爾巴陵江上酒
共呼明月楚天高

登岳陽樓有感

頻年夢想洞庭波
烟景虛無載酒過
萬里江聲當罷
落九山晴色上樓
多大夫沉處應須
吊仙子吟邊好
和歌世事浮漚何
足嘆滄洲天地自
漁蓑

秋日憲使仁軒馮公拉余同張汝登蔡伯華遊

洞庭君山紀興三首

波光野景混虛無
乘興雲帆落畫圖
幾載風神淮海
月一尊秋色洞庭
湖青山有幸來知
已白社何妨又
酒徒欲挾飛僊問
三島此中元不說
蓬壺蔡曾謫淮上
主公期我湖山頭
山與湖光日共浮
乍聚三星疑是
酒飛來萬木不勝
秋叩舷漁父頻停
棹吹笛僊人欲
下樓宦海采真應
爾識野心吾已狎
汀鷗

君山如螺亦自高
天空衡嶽一秋毫
携將帝女雲邊

蘇東山集
卷之十
瑟共向魚龍月下操竹淚清含山殿雨楚吟寒咽江
門濤豪吞雲夢尚云狹風流不盡屬我曹

艾熙亭先生文集卷之十

平江 艾穆 和甫 著

沔陽 陳文燭 玉叔

新淦 朱孟震 秉器

高邑 趙南星 夢白

臨海 王士性 恒叔 校

不肖孫日華輯

詩

七言律

考考繁草堂以下竟陵十詠

行誼青州迥不群齊名復有考繁君賑饑何謂來丹
詔錫爵依然臥白雲倚檻清飛湘浦月捲簾秋滿漢
江清高人風格今猶在重向函居挹紫氛

六美草堂

鴻漸傳經擅逸才只今仲舉墨林開茶留品藻人安
在榻下層軒客自來無論黃金并白玉何須暮省與
朝臺倚欄不淺滄浪興吸盡西江問渡杯

玉沙草堂

玉沙古蹟繞江流首闢名園擬上游灑灑泉聲疑滄
雨蕭蕭竹影故含秋尊零沆瀣長虹落劍倚星辰紫
氣浮有容綢繆烟景裏何如僊侶步瀛洲

獨耕草堂

漢帝南巡御仗輕郊塲隱者事躬耕一犁不為宸遊
輟片語翻令侍從驚老父幾人收野史桑田一變自
江聲竟陵才子探竒跡表出葛菴牖主情

蓮花草堂

碧山學士水雲居外史重來葺舊廬一代風流毒爛
燬千秋詞藻照芙蓉自依白社心同淨每遇芳筒興
不虛為問若耶溪畔主采芳他日待蓋輿

南紀草堂

江漢飛濤瀉錦滿城隅撫景任盤桓雙溪秀色縈南
絕一颺風烟屬大觀日麗陂塘魚鳥樂秋成阡陌穠
梁寬主人已作含香吏清夢依然到澤蘭

建興草堂

郭外衡門靜不譁城陰繚繞太丘家松筠節槩寒仍
並蔬菊園亭澹亦嘉無事閉閑頻覓句有人載酒共
看花何論大隱歸山未時憶東陵好種瓜

背郭草堂

誰道陳蕃屏跡深却憚城市當山林烏輪西度留斜
照雉堞東連散曉陰疑是蓬蒿盡俗駕頻驚漁牧美
清音美人游息神還王逸興翩翩不自禁

梅花館

別館梅花次第開家傳清白有誰猜隴頭風起歌仍
和庾嶺春歸夢屢催雪壓寒香浮綺席月移疎影到
金罍孫枝况是人如玉吟咏無慙水部才

雪坡草堂

歲杪東林社不遙平坡積雪未曾消乾坤不夜丹丘
烟簷箇無香梵宇飄簡授兔園追絕調表披鶴筆識
清標偶來幸覩瓊枝影臥榻袁安入聖朝

舟發武寧

長河一色浸青天
客子臨流獨放船
望移遙喚烟花
裏坐挹波光元氣連
舉杯便弄山河影
橫笛恐觸蛟龍眠
倏忽長風萬里破
彭蠡匡廬在眼前

建昌江月

建昌江月動我船
星辰凌亂波相旋
樓臺幾處鏡中落
魚龍無數水壺懸
沙邊白鳥色忽眩
水底明珠輝欲燃
孤光漾漾動坤軸
此夜寒江空自憐

壽上舍曾璣塘六十

花甲庚同君與我
春初冬仲會佳辰
解官我出人間世
高蹈君棲物外身
堂構城頭開日月
釣絲江上老經綸
年年水落華筵殿
不盡稱觴舞綵頻

壽別駕余龍潭八十

為厭華筵會首春
滿堂懽舞綵衣新
名高位罷刀曾佩
隱似磻溪齒與均
夜註蠅頭青玉案
朝梳鶴髮白綸巾
龍潭歲歲深如海
不盡飛觴祝大椿

寄壽次峰立明府七十

曾向風塵試莫邪
拂衣歸種邵平瓜
桂林堂畔三遺鱸
桐栢山中盡是花
濁酒江湖開日月
清吟天地起烟霞
翩翩海鶴神猶玉
不羨僊人萼綠華

贈魯儒士冠帶歸

冠裳輝奕出南宮。此日青雲踏戴逢。天空鵬鷲飛俱
造道大龍蛇。數不窮。共訝塞翁非失馬。誰云楚子是
遺弓。珍重少年須努力。請纓還自屬絃童。

壽吳心泉壽官六十

多才似爾應揮霍。六十依然傲薜蘿。竒中謾云星是
海。吳精五星高。談爭訝。懸河梅迎淑氣花。如芙蓉舞
東風。調入歌。歲歲開筵當此日。春光常照玉顏醜。
署中獨鶴悲鳴求侶數日以來常側目望煙霄
投之食不顧。齋居忽聞冲天去矣。頃之知飛入
儀曹署中。先是儀曹亦一獨鶴云。乃今唯推此
翼和鳴喜僊禽之有良遇也。伏承紀鶴弁見謝
新詩不愧荒陋奉和二律呈正

幾驚側目望煙霄。疑是鸞飛萬里遙。豈謂冲天一孤
翼。遂稱僊署兩高標。分柄珠樹安同索。對舞華亭恨
已消。隨聽鳳凰池上去。九臯清淚協蕭韶。

素羽竒毛祇自憐。飄然風韻出青田。亦知神物終當
合。翻訝孤禽並是僊。舞學來儀應似鳳。聲隨曳屐自
聞天。何論報主啣明月。已引宗公白玉篇。

大宗伯王公托為鳥言。慶詩四首見貽。描寫物
情讀之飛動奉和二首

為裁別鶴轉多情千里芝田遠與生此日飛騰良不
偶向來寥落有餘清天垂北斗冲霄者月滿南宮鶯
露鳴知兆王喬鳧履入持衡應見泰階平

雖在鷄群猶野性秋江迢遞意常存霜姿雪貌應誰
伍紫蓋丹丘合並騫求友自宜緱氏嶺依人不戀
公軒慚余未得投簪去猿鶴盟寒憶故園

伏讀趙宗伯次韻來鶴感懷二詩寄興深遠不
獨聲律之細也不愧誦陋奉和二章時宗伯與
穆將次第請告云

玉羽高翔盡省雲琅琅清響通相聞含情莫訴虞舜
苦得侶何妨燕雀群豈謂新巢忘舊主將因傳馭出
塵氛北山夜鶴休云怨不待秋風已憶君

翩翩振翮獨遷喬求友心常寄汶麥肯向樊籠供耳
目也知毛羽自雲霄飛猶比翼翔天喏鳴况同聲和
玉簫見說支公今尚在蓬山瀛海任逍遙

舟中晴望廬山不見二首

當年苦道匡廬勝擬到匡廬最上峰此日大江頻極
目未緣長嘯一扶筇天池浩蕩兼雲香石鏡朦朧帶
日封莫是山靈噴衿客故橫晴靄覆芙蓉天池石鏡
俱廬山景

匡廬對面不相逢，知在丹霄幾萬重。
接海烟花晴似雨，入雲紫氣淡還濃。
他年蓮社應須結，此日陶磯迫莫從。
我亦謝公好竒客，豪來雙鳥欲凌空。
蓮社陶磯亦廬山名蹟

寓五雲次丁江臯咏雪韻兼寄

萬里俄驚理素積，五雲渾入玉樓寒。
濛濛帶雨迷青嶂，片片飛花點碧灘。
擬向踈梅搜好句，更將新月闢竒觀。
遙憐高臥袁安老，細把驪珠掌上看。

贈別友人二首

麟鳳東南入網羅，忽沾恩命下鑾坡。
郎星正位清輝遠，僊史臨關紫氣多。
劔閣聲名留俎豆，環江風化起沉疴。
明年寄我并州句，靈武臺前一鴈過。

今年今夕屠蘇酒，天遣吾宗杖履同。
吳楚根源千載後，萍蓬懷抱一杯中。
梅含絳萼迎纖月，竹吐青烟裊緒風。
明歲此時還記否，蜀雲秦樹各西東。

壽上舍李王齋夫婦雙七十

如玉風神自可親，况偕伉儷對佳辰。
生來並有南山骨，此日同傾北海尊。
柳暗關門迎紫氣，雪飛瑤水慶長春。
共瞻天岳祥雲繞，歲歲開筵入興新。

送王弘陽兵部得告還聊城

伏枕長安謝青漪五陵風雨不勝秋幾揮白雪憐同
調一疏青山可自由司馬賦成寧久卧魯連書在尚
堪求欲裁歸興同王燦落日停雲萬里愁

立秋日風雨與友人小集二首

西山涼雨朝來急俄逐商飈度北窓萬里客心驚一
葉十年清夢落三江揮毫共擬黃花句對酒能傾白
玉缸忽憶故園秋色裏蕪蕪雲水洞庭雙

風雨眞眞亭榭集坐來爽氣動南窓占星此日能無
聚說劔千秋合有雙天地即看流大火魚龍應喜臥
空江與君共有潘郎興賦罷愁心鬱未降

遼東大捷集麋駝志喜二首

年來渤海不揚波忽聽遼陽奏凱歌白羽飛傳三箭
捷赤囊馳獻獨峯駝將軍絕勝嫖姚勇良馬何論大
宛多此日天聲應萬里合標銅柱白狼河

捷書忽自遼東至異種曾聞善鄴多薄伐不須擒可
汗壯猷還自頌蕪頗飛龍馳入君王廐天馬詩成寢
廟歌從此九邊絕南牧近關諸將漫論和

長安晚望二首

踈鍾遙度建章迴春色蒼茫北極開萬井晴光連
曉九天雲氣護蓬萊虛疑烟雨瀟湘近似有風塵

向來芳草喚然猶未歇郭生臺畔翠成堆
九關烽火五陵通三輔晴烟萬里空曙色乍分天仗
外花香輕度翠微中鷓鴣的的星華滿鵲鸚真冥瑞
藹濃歸賦欲裁還未得白雲遙望太行東

暮春初集射圃三首

詞林新社偶相依染翰春雲片片飛方朔滑稽寧混
俗步兵懶散自忘機天邊花鳥迎人媚賦裏江山引
興微吐角含商今日事朱絃無惜為予揮

射圃初晴晝敞扉燕天春散物華暉已看柳色深隨
酒剝有花香細撲衣白日放歌天籟和紅塵馳逐宦
情微與君同是高陽侶能向驪壇不醉歸

春色葳蕤滿帝畿燕歌慷慨慢相依一尊芳草兩
初霽萬樹晴烟翠欲圍結客丹鷄應共好含毫白雪
為誰飛平生不盡憐芳興直欲揮戈挽落暉

郊外即事

三月出城春欲留行穿萬柳翠煙流輕車快馬信所
適芳草啼鶯相對幽天地一官從落魄風塵雙鬢總
含愁年來自笑清狂甚日向長安問酒樓

中元月食志感

萬宇沉沉暝色浮無情復上庾公樓江門不倒銀河

影蟾窟應深玉兔愁共喜世人逢令節豈云造物妬
清秋九霄誰是回天手看取晶光散九州

贈邑侯朱景亭二首

共道神君不下堂江城花滿似河陽喜看桑麥逢霖
雨更聽閭閻頌發棠署裡雲開天岳出薰前月湧碧
潭光政成行樂飛觴處三日猶聞綺席香

茂宰声名今藉甚風流為政楚山隅幾談經術趨
繡掖况有民謠比袴襦百里孤城難展驥五雲雙鳥望
飛鳧觀風定列循良疏應道蒼生喘已蘇

燕市放歌行贈陳洞衡

有客來自瀟湘浦風神飄灑神德伍黃塵萬里薊門
道裹糧北走如步武腰間吳鉤日長吼紫氣欲向明
光吐解鞍乍際東風融夜來常伴生花夢曉起飛毫
思不停新篇一一翔鸞鳳黃河失色太行低白日青
天斗牛動豈期譎高之識真翻然五色能迷人驛驢
過目不一瞬鴛鴦索價還千金茫茫世事類如戲邀
朋呼酒且滿斟英雄肯作兒女態天地一笑歸豪吟
我生坎軻人不厭客實雙眼炯如電拉之共屬傷春
文風雨落花飛片片逸思倒懸白玉河孤光直射紅
雲殿紅雲殿前日正高金龍黃燾動青袍得時爭誇
好身手矢志可謂非賢髦嗟嗟古來達者多窮愁與
客放歌百尺樓天生神物定終合豈有明珠長暗收
客且早樓理毛羽遇風飛向蓬萊去

七言絕句

遇僊宮詩六首相傳元時王重陽真人得道處
葫蘆灣畔繞甘河曾說僊人向此過倘有葫蘆餘瀝
在西江吸盡未云多

霞裳月帔欲翩翩人世俄驚有八僊誰謂年來丹竈
冷彩雲猶自繞宮前

僊靈何處覓竒踪五色雲中跨赤龍試看葫蘆河似
帶玉華金液日溶溶

遇僊橋北遇僊宮數百年來紫氣重且說神僊真可
接玉清壇上坐高春

憶昔瓊漿度七真桃花流水不勝春真源好向重陽
問恐道即君隔兩塵

已傍青山學駐顏更聞僊路在人間白鴉金虎無消
息心定應知是大還

秦中寄故園十首

三陽江上酒同酣別後秦山幾引驂此日聖恩深謹
逐已從飄泊得終南

不信心間行路難天涯隨處可為歡花風梅雨湘南
景好向流沙瀚海看

少小曾懷鐵石心年來霜雪塞門陰親朋問我淩中
事一曲胡笳祇自吟

此日遙關憶故人故園花鳥正相親玉門也有春
度塞草青青向逐臣

鄉國經年驛使稀傷心聊自托金微邊城不道梅花
有羌笛聲中片片飛

形容憔悴性情真魑魅天邊亦解親遙憶故山猿
侶可能飛夢到三秦

湟水逢人逗夕暉便從飄蕩問漁磯西來留滯八千
里聞說瀟湘也當歸

前山晴影亂清溪野色蒼茫咫尺迷忽憶故園湘浦
上萬行烟樹楚天西

噫雪中郎十九年河湟猶道勝居延猶憐堂北萱花
暮明月將愁萬里懸

黃沙磧裏一孤臣七尺今餘報主身肯信牀頭風雨
在飄零猶自傲胡塵

與友人遊呂公洞坐飲一天門聽羽人吹簫巖
上

秋到天門四望開風飄歌管自天來與君藉草分雲
坐一咲河山落酒杯

與友人飲說經臺下至夜半乘興復登臺上二

首

天園萬嶺晚雲低，清夜沉沉紫氣迷。明月管絃人共醉，不知星聚碧天西。

盡日尋真興轉催，丹崖翠壁照金臺。忍教夜半虛明月，重上談經百尺臺。

寄丘純峯明府卜宅城中四首

道人無住百不憂，平生一壑還一丘。若戀雲山遠城市，碧潭明月為誰秋。

秋色有碧潭秋月景

世緣銷盡欲何如，城市山林更結廬。應是烟霞常自有，僊人隨處可樓居。

潭灣雲水自悠悠，又愛昌江學子流。喚取青山來佐酒，總看天地是虛舟。

豈必連雲好閉關，由來大隱不歸山。玉壺一片冰心在，縱不丹砂也駐顏。

寄李使君張明府比部三君子五首

昔年浪跡祖安宮，為愛名山入此中。自是天涯真骨肉，楚雲秦樹又西東。

芙蓉花發與君逢，日把芳筒當酒鍾。一自河橋飛網雨，鴻書迢遞楚雲重。

兩年風雨憶丹丘，離思雙江萬里秋。惟有終南山畔月，別來常滿故人樓。

玄亭淡塵對芙蓉別後經年鶴夢重遙憶青蓮李居士新詩盈百酒千鍾

買山欲覓向平踪知在終南第幾峰為問蓬蒿張仲蔚清吟頻和萬山鍾

劉中丞萬竹園四首

當年竹帛合書勲青髮歸來卧白雲獨喜此君常日對不教人喚霍將軍劉鎮雲中為霍去病立功地

萬玉為林盡日清琅玕枝似鳳凰鳴更無風雨江城暮縱卧文園夢不成

幕府曾聞竹箭收袈衣歸種故山頭中丞不淺王猷

興為愛瀟湘六月秋

嶰谷清標傍檻高蔣生三逕興偏豪辟疆園左風流在何必門深仲蔚高

李元陽明府文園瑞竹貞嘉祥美事也走筆五絕句為諸善鳴者引玉云

暮阜名山鎮一方發祥毓秀自非常主人家傍名山住瑞氣氤氳到辟疆

手種琅玕已有年寒聲黛色近窓前為問茂陵秋雨裏高風勁節幾枝妍

文苑吞精思不群新篁特為吐奇芬凌雲事業還他

日消息先看報此

清陰半畝落山頭悅接瀟湘五月秋他年振漆雲

上時憶烟稍自一丘

同本分枝向太奇淇園萬玉總無如賴有山靈阿護
在明堂應待奏墳簷

午日向朱進甫宗侯索酒貽我家醞口占二絕

以謝

節序天涯數舉觴人生無處不家鄉幾年蒲艾天涯
客又向君侯索酒嘗

酒泉郡裏吾曾到萬斛離愁幾盡消此日風流逢若

下長安春色為誰驕

玉州酒四首

百甕瓊漿鎮日開玉洲風味勝蓬萊主人何限高陽
興一咲乾坤落酒杯

太白浮來思正清遊禪中聖並通靈虛舟天地惟吾
識醉倚東風咲獨醒

羨爾鯨吞日百迴興來何怕玉山頽封侯勳業渾明
事可當燕中濁酒杯

九天風雨引飛觴坐映醅顏琥珀光何論十日千
飲直把幽州作醉鄉

穆鍊師不出觀者五年為贈詩二絕

五年深鎖白雲窩
閒看芝田長綠莎
夜半談經玄鶴下
玉清壇上月還多

丹竈烟霞盡日封
只聞靈籟和疎鐘
步虛人在華陽洞
欲上青天跨白龍

遊君山四絕句

八百烟波興不禁
天風吹向翠微深
茲山縱被秦皇赭
樹色江聲自古今

青山一片帶雲孤
落葉蕭蕭秋可呼
十二螺_螺仍烟雨
足月明吞吐自重湖

孤根直插湖中央
湖面風波任簸揚
萬古此君如一日
水光常見共山光

酒香亭畔喜相親
載酒尋幽合有人
豈必歲星風味在
興高何限洞庭春

暑中睡起偶成

人有羲皇以上無
白雲高卧一潛夫
教聲啼鳥驚殘夢
起向窓前視轆轤

早起與友出郊呈西山雲氣

白雲捧出翠芙蓉
絕勝衡南七十峰
他日與君交絕頂
青天萬仞掛雙龍

次陳天謀風雨詩四絕

暮雨瀟瀟拂檻斜，杜樓飄泊復天涯。
鄉思不覺來將晚，愁殺家園桃李花。

明妃圖畫事成虛，漫道潘郎菓滿車。
寂寞獨憐楊柳，戟門長草太玄書。

迢遞鄉園入夢驚，惱人風雨况黃昏。
天南鴈字歸猶晚，白髮何緣慰倚門。

傷春日日戀春陰，遙憶家園草色深。
薊北白雲飛不住，令人愁絕望鄉心。

五言律詩

舟中讀書

空江沉片月，絕閣上初曛。
飛棹衝烟去，孤城逐水分。
劍亭堪寂寞，關氣欲氤氳。
我有吳鉤佩，紋當獻聖君。
之伯兄宦邸早發新淦念母不至二首

漠漠孤舟發，天涯曙欲通。
霜姿番月白，日信報霞紅。
江海思親日，乾坤淚眼中。
遙知五雲裏，此意更無窮。
五雲萬安別名

游子興不極，微茫曙色間。
迎數兄心苦，途遙母意慙。
落月欲亂樹，孤雲尚宿岩。
此時空悵望，淚灑萬行城。
九月十日與潘伯黎惟敬比部蔡伯華山人題

惟和集沈純父宅賞菊得園字先是純父有九
日登高之約偶以他妨

不惜重陽過翻憐孤興存花猶向客媚香更襲尊溫
風雨龍山帽乾坤傲吏園登高賦虛擬還共大夫論
九日難再得千秋合細論鳳慚稽 龍識李膺門
不淺東籬興重開北海尊看花詞客侶曾是臥文園

又即席酬沈純父

雅會仍佳節天涯亦故鄉但能逢一笑不必問重陽
爛熳花堪把婆婆與未央沈郎今夜酒相對話秋堂

轆轤

轆轤當午日隨手有煙波轆轤泉流上聲喧霹靂過
力能通地脉不必挽天河砥柱功還大春回廣陌多
賦得青青河畔草

東風搖百草河畔更芊芊為借汀花潤欲分堤柳妍
江湖春色滿烟雨物華偏裊裊朝日萋萋美晚天
似同葦莢發應與蕙蔭連芳意溪雲裏幽姿渚月邊
淨宜飛鷺立暖趁浴鳧眠近浦青袍亂親人白髮娟
王孫空有恨游子轉堪憐一入池塘夢新詩賴汝傳

附諸公贈詩

寄懷艾和甫西戍

嘉興沈思孝

祐都御史

荷戈南北已經年
長憶西曹共被眠
鴻雁那從秦嶺
至梅花似向隴頭
妍艱危更覺同心
賞慷慨寧要異
日傳親老似君情
轉切可容歸泛孝
廉船

又集唐句

洛城一別數千里
洞庭相逢十二秋
念我能書數字
至似君須向古人
求衰顏動覓藜
牀坐遠害朝看
麋鹿遊渭水秦山
得見否春風回首
仲宣樓

寄懷艾和甫年文

時自蜀集遷光祿

沔陽陳文燭

大廷尉

憐君抗疏歷諸艱蜀道方臨特賜環百折不回三峽
水萬峰孤秀大峨山幾年去國餘忠膽此日還朝識
聖顏多少雲霄鶴鷺侶蓬萊應待列僊班

送艾和甫年兄擢同鄉

送送去長干落葉亂如雨憶昔嬰龍鱗綱常振千古
與子結綢繆懽娛同肺腑偶來官金陵意氣時相吐
廟堂念遺忠丹詔至江許離子在須臾旌旄去榻榻
執手野踟躕解携心獨苦天子坐明堂揖讓同三五
廷議又紛紛籌策在駉虜我聞有道時四階舞干羽
各在天一隅勲荼皆可觀知爾平生心努力報明主

贈艾和甫光祿

新淦朱孟震

抗疏聲名白日懸秦城一扎思翩然烟霄幾渴金墮
露蹤跡空尋玉井蓮錦水芙蓉秋正好雲安麴木夜
堪憐可須交誼論傾蓋意氣相投十載前

綱常義重一身輕九死投荒豈為名折檻時情多白
眼賜環天意屬蒼生力扶日月從教正夢入雷寔了
不驚聞道群賢滿朝著狂夫只待頌河清

壬午秋抵潞河有懷文純卿

文純

新昌蔡文範

少

螿狐秋桂伏羗營魚麗波槿下瀨旌兩地素韃俱不
惡一封諫草舊齊名蒲萄細酌狂翻甚蒼莖頰殘體

似輕萬里生還應有日論兵南北足長城
相逢未審定何時况復天涯夢亦迷稍喜兩書來嶺
外更無一字到關西鏡歌幾曲憑誰和柳酒何人數
共携須信天恩終浩蕩許看丹詔下金鷄

寄熙翁老師二首

高邑趙南星

功中

春風花鳥隔涼州有客西悲涕正流西貢誼長沙還樂
土屈平湘浦自鄉樓百羊寃夢依黃鶴孤劍風煙怨
白鷗不為故人憐失路出門天地總堪愁

懸瓠城頭坐日斜目隨鴻鴈極天涯初連風捲沙如

霧瀚海春深雪作花擊筑可憐燕市日鑿金空虛擬漢

臣槎已拚萬死投荒塞豈望金鷄苦憶家

寄艾和甫謫戍西寧

永豐張鏜

荆南偶接故人書為悉關門自起居萬里獨看管外
月孤身誰念金中魚辭劉徐恕心元苦折檻朱雲願
不虛秦地日聽邊塞曲楚歌相和調何如

送艾和甫西戍

巴陵方榕

送子上西域悠悠傷我心道駢既脩阻河源廣再添
首陽何魏魏九阪亦所臨綱常有萬世直道無古今
感時更變易候晴乃復陰願寶千金驅遊目看浮沉

簡又熙亭老羊丈

武陵龍德子

憐君抗疏成關西萬里黃塵落日低不道才人多屈
賈自緣聖世有夷齊倚門目極三秋鳳戀閣心驚五
夜鷄早晚歸環明主意謾須芳草恣羨姜

送艾熙亭先生赴謫所

周

山人

壯懷激烈出風塵杖下彈文泣鬼神共說抗龍精一
死獨憐躍馬向三秦楚雲夢斷黃河渡關月心懸白
髮親邂逅都門看逐客不禁清淚灑孤臣

王作霖明府

見說陳情事已非俄聞請劍動京畿彈文自喜名番

竹玉陛何妨血染衣鐵石腸存三代直飄零身逐一

鴻飛獨憐萬里黃雲茂夢裏斑斕未是歸

平江丘萬瓊

桐相

羨爾踰躐遊帝都手攀閭闔探龍珠大明何可無公
等萬死方知是丈夫一疏網常天共朽百年榮耀草
同枯從軍自古皆云樂莫向西風泣遠途

臨湘洪一夔

肥丞

嗟君危論忤重閣奉謫彷徨出國門極目故園慈符
老全身荒服聖明恩風霜萬里侵峯髮花鳥三春對
淚痕千載屈平仍在楚慚余無計賦招魂

夜堂酌酒餞君行春色離離伴去程風細上林鶯羽

健雪殘長路馬蹄輕西過秦嶺孤身遶南望湘雲百
感生待到湟中思漢事須圖方畧獻承明

平江李本意注事

萬里寧親返故鄉征車又復入西羗計程關外煙花
暮極目湟中道踞長夢繞慈闈曉簾蕉心懸魏闕阻
河梁相逢滂論升沉事且拂干將共舉觴

平江李本恕右史

櫻船曉發喚新鶯帆影南薰五兩輕玉壘祠堂先主
廟繡林烟樹呂蒙營立朝封事批鱗上入蜀圖書載
鶴行此去觀風偏逸興揮毫題遍錦官城

寄文和甫光祿

萬安朱維京光祿丞

嵩雲汝水會臨岐憶昔南禪問字時月照屋梁徒有
夢天連洞野重相思誰云邊徼還家穩尚訝風塵請
紉遲千里懸情真不淺大江西去岳陽湄

蒿目秋風南鴈回誰傳尺鯉洞庭來緘書錦字三湘
色散帙青雲二華開志汝舊章金作篆過秦新論玉
為裁上林欲借誇胡賦天子臨軒問楚才

時和甫
汝州志

簡熙亭丈南禪寺

蕭寺今為主彫擗音共攀秋聲客况冷月色空現還
天地猶容傲風塵且駐顏向來多嚴句秀色滿華山

送熙亭先生之留都

曹分南北總稱鄉三月鶯花出禁城春草不堪鴻雁
別朝陽曾聽鳳凰鳴容臺禮樂如宗伯原屨衣冠肅
配京百二江山收筆底風流重睹李長庚

送艾熙翁西戌

陳昌言郡丞

隴頭流水夾秋烟君去惟看落日懸河裏風烟鴻雁
渡磧中征戰白雲連關山月照江陵馬鷓鴣樓高前
北天抗疏一時俱側目于今絳灌好誰憐

奉贈熙翁老先生

關中張學道

一曲清歌寄眇茫白雲深處臥吟床門無車迹松花

靜閑看爭巢鷓鴣忙

曾將赤手扶元化更把青山入笑談自信閑中俱是

樂何憂崎嶇碍駢駢

玉堂僊子耽玄脩青驄喜為終南留避俗猶恐塵寰

近尋向蓬萊幽更幽

到處人皆望斗山一封正氣動朝班九重已備前席

待指日徵書下釣灣

喜艾純卿至

涓臺漁父

何日離青海春深過斗城會須談間瀾聞即慰交情
雨雪留關塞風塵滯客程投荒君最苦知有二毛生

贈熙翁文老公祖內轉光祿

已渝羅太勇封

早聞抗疏九重知未許逢于地下隨懷瑾幾年吟澤畔賜環一旦及瓜期到來共羨僊郎草此去應傳光祿詩風采漢廷今愈重不妨屈軼長堯時

幾年湖海識荆難此日巴渝露冕看正喜文翁能化俗又教汲黯在朝端真人尚帶巫關紫大國時須楚澤蘭行矣霜風清萬里可知千載一彈冠

承途中惠新詩寄此奉荅

江介寒催一鴈回巫山峽裏尺書來惔然雅調千秋合漫道風流異代才
劔氣衝星分楚望詩情隨雨度陽臺何當再結燕京客擊筑狂歌數酒杯

鶴來之次日始知鴻臚署中亦一孤禽

清卿艾公貽書見惠賦此以謝

瓊臺王弘誨

僊禽失侶兩相逢求友因忘舊主翁我似延津權合劔君應楚地悵遺弓昂藏影伴空庭月嘹唳聲含別院風好擬乘軒勤愛護懷人聊與屋烏同

艾公得予詩枉荅二章有風人之致予因托為鳥

言再賡四章前二章和韻

為憐別操黯難銷側目含情轉寂寥似有鳩媒來楚澤忽隨鳧履下王喬雷門別後應懷鼓篋嶺過時尚

聽簫總為崔詩添秀向空樓回首白雲遙

鳴皋當日已聞天卿寺容臺取次翻啣得明珠何處
報夢回赤壁總堪憐支公肯阻凌雲志叔子無忘對
客詮終擬冲霄同一舉遷喬消息為君傳

薰風別院擁笙歌矯首飛騰意若何筆披豈逐王恭
至琴鼓應隨趙抃過夫去可能尋李遠放來終自憶
東坡帝城珠樹紛相似何處含香認舊窩

丹丘雅抱自昂昂岑寂何能去帝鄉戀主有心同燕
壘依人無計謝鴛梁也知得失非關楚還羨鶯飛似
解商海闊天空隨處足人間何必定行藏

寒夜飲鴻臚丈和甫署中話舊悵然賦此

常熟趙用賢少宗伯

高館風威挾雪寒夜深相對酒容寬十年得爾逢傾
倒四海何人有肺肝闕下生還身是夢關西戍老淚
堪彈梅花幾樹南枝好也幸清閒寄此官

省中既有來鶴之異越明日鴻臚丈和甫貽詩
以鶴見贈始知出鴻臚署中物也倚韻奉報二
章自媿燕陋聊識感懷

初疑白鶴墜丹青謂是西飛幾歲遙華省月明悲舊
侶容臺天堦合孤標清音更斷吳都杳素羽翻未易

雪消共儻朝朝在寒廝敢將歌鳳托虞韶

華表歸來事可憐遠心終只寄芝田三山下隔夢
夢萬里終看化羽僊未必瑤林堪頽顏偶同珠樹集
鸞驪樊籠自喜依支遁總愧難酬別鶴篇

草詩五首代別

十二峯買月道人來知德嶠嶠人廡梁

艾老公祖門下請教繾綣之情見乎其辭

皎皎金精對玉壺一琴一鶴入城都風霜滿鉞炎塵
逆骨雨隨車稿木蘇偶見甘棠思召伯愧看空谷掛
貝儒聞君欲下瀟湘去連夜詩成興未徂公撫蜀以

聖世真儒旌其堂

三巴駐蹕不多時一劔雌雄鉄石知未踈元名何太
勇平生直道本無私綠楊垂處因征客細雨催來為
別詩且把朱絃彈半調天涯誰地是鍾期

當年意氣振京闈此日諸羗畏德威帳外尚懸魏虎
節夢中已製芟荷衣先憂後樂心俱賞白雪陽春調
轉稀送別未能牽別袂蕭蕭風雨滿漁磯

盤根錯節已經秋苦葉寒冰為國憂風采正堪持玉
節姓名宜只覆金甌峨眉山外雲千里鸚鵡洲前月
一鈞莫道湘庭香信少武昌魚也到夔州

此別應知未幾未幾詩難思飲傷神百年道義誰知
已今日關河送故人黃閣臯夔身未老蒼生舟楫
愈頻東山高卧難言穩且莫流連吉鈞綸

送文熙翁先生五十韻

臨川湯顯祖

主事

世閥高臨汝衣冠起岳州精靈華蓋晚氣脉洞犀秋
江漢稱才子瀟湘托好速儒林蒼玉滿郎署白雲悠
是日江陵相長星寓縣愁禮煥金革變權誤墨線番
奮筆含香勇衝冠執法蓋燕臣隨伏闕楚客竟為囚
御梃驚寬落丹墀濺血流動傳天詔獄分作鬼枝幽
遠竄逢魑魅銷寬失奕鳩秦城將急杵漢黨欲窮鉤
淚濕滌支盡身拚并鬼休扶顏鎖枸杞作語向羣牛
洗雪人難待迷陽運忽周機權還太乙氣色隕蚩尤
詔旨須人望恩波得自由玉關歸鳥道青海發龍湫
解作雲雷奮還同湘漢浮法星低照蜀明月遠通涪
復有東門恨難分北闕憂猿鳴初黯淡鶴怨且夷猶
龍影周山郭巴雲護岳樓天在山難畜王明井必收
千尋原自直百鍊肯隨柔光祿徵能入陪臺出壯遊
蒼梧蟠帝寢芳樹繞朝溝典客高情映祠卽清燕酬
看松朝蘚合援桂晚枝樛世法能青眼公才尚黑頭
乞歸丹旆入玄佩兩書校巖望宜專坐銓銓且七騶

離心春蘭菊別韻起梧楸冠蓋鴻臚道干旌白鷺洲
月卿爭祖席雲從識僊舟岸草搖清篋江花黑散裘
行藏多古色出入仰前脩有欲蒐戎乘行將詠德輔
鳳池鳴鏑滿雲朔羽書稠汧渭秦非子河源漢外侯
羗胡形欲詭將相語猶偷馬轂經年減燕金幾處求
和戎虛漢物贈策豈吾謀太白高難定焯煌卒未抽
英雄懷玉劔形勢惜金甌自可趨朝列無煩問故丘
駿圖周罔得戎議傳威優並事今吳趙長流舊沈鄒
群公心赤苦高爵歲華道今日參帷幙看君第一籌
奉贈文熙亭老先生赴召入都

同安蔡守愚

衆卉競春風孤松難為悅崑崙烈燄燔貞珉光逾徹
賦性各有恒所遭成變激緊昔朝故多妖星長犯闕
虎豹踞九關狡兔營三窟中有孤貞士排雲叫閭闔
皇綱苟不頽何能愛膚髮萬死乞一身去國輕如蟻
但留勁舌存已知奸鬼奪白日轉昊蒼回光照幽述
賜環恩正深連茹芴斯拔俎豆借輝光騏驥看伏櫪
况當天驕橫國仇未可雪壯志怒衝冠陳力就其列
直湍鮮回波方車無枉轍王跼會清夷丹懷永堪結
浩浩脩途間慷慨從茲別

寄文和甫西戍湟中

華谷孫斯億山人

戎衣何日出皇京憔悴形容滄去程萬死忍揮墨客
淚兩年無奈故人情鄉愁寂寞還應遠世事浮沉太
不平祇為壞麻憂聖代非關投筆到邊城朱雲未許
旌遺直汲黯空憐過大行佳句別離誰復和殘鬼零
落日須驚嚴霜倍慘天涯色漲水長鳴雪後聲莫向
汨羅問雙鯉逆鱗難托尺書輕

又絕句八首

伊吾龜盡雪紛紛芟嶺蘭州一望分日暮轅門人不
見胡笳淒斷戍樓雲

輪臺寒氣到單牙克國屯田事已賒早濕河湟天萬
里流沙誰謂勝長沙

氏羗今日已來王莫道孤臣在夜即獨苦倚門人漸
老楚雲東望淚千行

形容澤畔久蕭條羗笛聲中聽楚騷欲報主恩何事
者驛弓在背劍橫腰

萬里誰歌遠別離從軍休論竄三危當時借得朱雲
劍此日猶堪斬郅支

河西西望是崑山弱水西流信莫還不是漢皇開五
郡那能生入玉門關

鐵馬翩翩度七盤沙場月色照人寒相思夢斷殘機
錦苗葉空階白露團

萬先誰教戍吐番南方長憶未招菟澧蘭正正俱飄
渺獨有鴻書到玉門

寄贈文熙亭自西戍赴召二首

鳳嘶倦詔下瑤京萬里流沙擁漢旌出塞每懸憂國
淚到家先慰倚閭情江潭不必尋漁父宣室重看召
賈生燕趙春迴新氣象好將名德答昇平

河湟迢遞隔滄溟豈有春風到玉關明主賜環須先
報孤臣投筆喜生還猶存折檻依僊仗又共鳴璫奉
聖顏此去已諧魚水樂忠良勳劬如山

劍門行送文熙亭使君

聖皇御極十載餘萬幾親總生民初譚論正人每錄
用解君戎服仍官居憶昔妖星亘天北怙寵何人甘
誤國道虧忠孝曾不知力任綱常竟誰識手排閭闔
欲回天泰華指蔽終肯然報服總麻豈功顯風霜折
檻天心憐短衣為有三危竄萬里河湟悲渺漫情閭
人在倍哀思出塞師行增浩嘆五載羈囚歲月多反
復妙理焉奈何魏闕星河且鳴珮玉關日月辭揮戈
願書昨下承明殿綵服銀青燕西甸畫熊問俗地非

選擁芳宣威人共羨
恨望林歌蜀道難
勳名觀在推君者
渝州夔府咽喉域
鎖鑰正賴安如盤
昔時臣道弦同直
此日君恩海併寬
君思臣道兩堪慨
劍閣嗾峨歷東岱
五丁楊殿險路通
八陣孔明壯圖在
開誠布公君所為
要令第窄無流移
廉君稽顙貢寶入
文翁禮教還師資
功高劔門自居事
西戍詐忘舊忠義
錦城絳管樂先憂
莫使江山空百二

又送艾使君觀察巴蜀八首

四月多風雨
驚波錦纜開
我從湘浦別
君自夜郎回
北闕憐孤直
西戎倚大才
靈均憂國淚
遮莫灑蘭臺

其三

夔州江水濱
巫峽更嶙峋
戰守稱雄鎮
安危寄直臣
也知心似鐵
休道髮生塵
杜老曾遊地
詞源况可親

其二

西戍封疆檢
西征道踞長
河湟似江漢
笳亦氏羌
問俗今須重
拔荒昔可傷
畫熊披拂處
猶是舊風霜

其一

大雅時偏重
孤臣世所憐
隱功存社稷
嘉惠及蠻番
鎖鑰西門肅
旂常北闕翻
中興論佐命
端畫夏侯賢

其五

除目下神京迢迢萬里行尚方曾借劍邊城
已息藍關馬還遷谷口鶯已蠻瞻攬纒佇想
恩洽清

其六

長夏草青青懷人是杳真渚繫諸葛廟江樹子雲亭
彩鷁飛三峽黃牛馱五丁勝遊應載酒猶憶舊時醒

其七

地遠皇輿社時清國是公淮陽須汲黯蜀麗仰文翁
祭闈雖難近車書况喜同七擒盡南紀休羨漢時公

其八

哥節重如山孤忱回聖顏玉門生且入劔閣老仍萊

遂扣揚雄守休聽杜宇還况看榮鶴髮重與戲班荆

新春賦得汨羅水寄艾純卿

平江城邊汨羅水故鄉暫釣鱸魚美舊時放逐汨羅
僊澤畔行吟吟未已汨羅水清堪煮茶汨羅水潤堪
種瓜且同陸羽著經好且效邵平懷跡賒春來蘭香
動江滸春盡楊花竟誰去楊花飛去應媚誰蘭香池
來曾不語九畹馥郁君自奇紛紛桃李從披離細讀
離騷結蘭佩汨羅之水真漣漪

寄艾無亭卜居

芋堂環堵布袍新猶是江潭舊
是臣兩重去年頻入

夜烟波今日可憐春洞寒水落空懷夫天岳雲來不見人早晚王猷高興動幾迴詩酒共遠也

文純卿歸自蜀中逢子荆州賦純句二首

孫斯億

秦關蜀道踞皆難萬里風塵萬里寒不是聖明思汲黯那能相對此江干

汝暫南歸我北遊江邊相對話離憂洞庭歲暮多洲渚瑤草飄零獨倚樓

賦得岷山歌送

宣堦華陽王

大中丞熙翁艾老先生鎮蜀

帝遣名山鎮西極鴻濛峭崿擎天直動植雖資造化功養滋須藉風雲力風雲鼓潤來崇朝千里春生慰寂寥沃野同瞻蒼玉色坤維先遁有莘妖芳菲二月鳴鶴鳩錦里翩翩弭玉節我

皇西顧念民生從此天顏轉怡悅嗟余小子忝粉榆斗極時時仰大儒拜手星輅何所願致君還復見唐虞

虞

奉

大中丞熙翁艾老公祖請告誓歸荆南

巴渝曹天

